

支那
撰述

釋摩訶般若覺意三昧
四念處

下

法

C40
4514
211

00
1
2
3
4
5
6
7
8
9
90
1
2
3
4
5
6
7
8
9
100
1
2
3
4
5
6
7
8
9

C40-4514

此經之義深廣
非筆墨所能盡
述故特撰此疏
以資參考
當山正德元年
秋



B 64853

釋摩訶般若波羅蜜經覺意三昧目錄

辦法相第一

釋覺意三昧名第二

方便行第三

明心相第四

入觀門第五

證相門第六



支那

釋摩訶般若波羅蜜經覺意三昧目錄

一

支那

第六

第五

第四

第三

第二

第一

釋摩訶般若波羅蜜經覺意三昧目錄畢

釋摩訶般若波羅蜜經覺意三昧

隋天台智者大師說

門人灌頂記

辯法相第一

夫行人欲度生處大海登涅槃彼岸者必須了達妄感之本善知至道出要妄感之本是即意之實際至道出要所謂反照心源識之實際即是正因佛性反照心源即了因也而此二因攝一切法罄無不盡譬如清淨虛空之中圓滿日光湛然而照然此空之與日非即非離非任非不住而日善作破暗良緣顯空

之要雖復滅暗顯空空無損益理實無損事以推之
暗蔽永除性乃無增空界所含萬象皆現而此虛空
性雖清淨若無日光則有暗起非以虛空空故自能
除暗暗若除者必假日光日若無空無光無照空若
無日暗不自除然此暗性無來無去日之體相亦不
生滅但有日照空則乾坤洞曉以智慧日照心性空
亦復如是如日非即空亦不離虛空若日即是空虛
空何能照若日離於空則不應依空而有照慧日亦
如是非即心性空非離心性空若即心性空則不因
修而有照若離心性空修亦不能照如日非住空亦

非不住空以不住空故能照一切空非不住空故終
不墮於空慧日亦如是深觀心性空不住心性空能
照一切空非不住空故雖照一切空慧心無動退如
日能破暗顯出虛空相慧日亦如是能破無明暗顯
發心實相如日雖滅暗顯於虛空相而空無損益慧
日亦如是能除無明暗顯發心實相而於心性空不
增亦不減如日不損空亦復不益空能除空中暗顯
空界萬象慧日亦如是雖於心性空無損亦無益能
斷諸煩惱而成就萬行顯現一切法如空雖清淨無
日故暗起心性亦如是本來雖清淨以無智慧光則

有妄惑起如空雖清淨不能自除暗而暗得除者必假於日光心性空亦爾本來雖清淨不能自除惑而惑得滅者必以智慧照如日若無空則無光亦無照空若無日者則暗終不除慧日亦如是若無心性空則何能有所照若心性空無慧妄惑終不斷如暗無去來日亦不生滅解惑亦如是假名說破惑感性無所有不來亦不去實亦無所破智慧雖普照其性常寂然不生亦不滅畢竟無所照如有日照空則乾坤洞然曉反觀心性空則一切世間諸法及一切出世間法朗然圓顯以是義故說智慧照於心性如空中

之日若能尋空日十喻達諸法相因此入覺意海是則名為辯諸法相也

釋覺意三昧名第二

問曰云何名為覺意三昧何等是意善薩覺是意故卽得具足三摩提耶且復諸法無量何以但對意用覺以明三昧荅曰覺名照了意名諸心心數三昧名調直定行者諸心心數起時反照觀察不見動轉以是義故名爲覺意三昧如所問言諸法無量何以但對意用覺以明三昧不論餘者荅一切諸法雖復無量然窮其本源莫不皆從心意識造所以然者有人

言若初對境覺知異乎木石名爲心次籌量分別名曰意了了識達名之識是爲心意識之別如是取者卽墮心顛倒想顛倒見顛倒中若能了知心中非有意亦非不有意則心中非有識亦非不有識若意中非有心亦非不有心則意中非有識亦非不有識若識中不有意亦非不有意則識中非有心亦非不有心是心意識非一故立三名非三故說一性若各非名則性亦非性非各故不三非性故不一非三故不合非一故非散非合故不有非散故不空非有故不常非空故不斷是故心意識不斷亦不常若不見斷

常終不見一異是故說意者卽攝於心識義一切法亦然若能深心觀察破意無明則餘癡使亦皆隨滅是諸法雖復衆多但舉覺意以明三昧其義苞含靡所不攝也復次如經中說云何名覺意三昧於諸三昧中得七覺意故名覺意三昧所言諸三昧者一切法皆是三摩提以諸法本來常寂不動故復次三摩提畧說者有三種一者世間二者出世間三出世間上上世間三摩提者所謂欲界散心中十大地定數欲界定未到地定四禪四無量心四無色定出世間三摩提者謂背捨勝處十一切處九次第定師子奮

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

迅超越等行行觀鍊熏修禪乃至慧行三十七品三
 解脫門四諦十二因緣等三昧出世間上上三摩提
 者所謂十力種性三昧首楞嚴等百八三昧乃至如
 十方界微塵等數三昧是為三種三摩提攝一切法
 卽是一切法故名諸三昧云何得名七覺意七覺意
 者一擇覺二精進覺三喜覺四除覺五捨覺六定覺
 七念覺是為七覺七覺之義乃有多途舉要畧明不
 出六種何等為六一者因聞七覺二者修行七覺三
 者會理七覺四者起方便七覺五者入法門七覺六
 者圓極七覺第一因聞七覺者一切諸法本性空寂

畢竟清淨而諸衆生無能知者若遇諸佛菩薩及善
 知識說一切諸法本來空寂是人聞已卽大驚悟因
 是了達心及諸法一切三摩提畢竟清淨空無所有
 得七覺意是人因聞發故故名因聞七覺第二修行
 七覺者若行人雖知心及諸法一切三摩提空無生
 滅而倒想猶起隨所起念常以七覺調適修心反照
 觀察以觀行調適故卽便豁然覺了心及諸法一切
 三摩提從本以來不生不滅如大涅槃是則名爲修
 行七覺也第三會理七覺者若人藉此信法二行因
 緣悟心及諸法一切三摩提理同一真如而知真如

亦非真如若覺悟真如者則於真如之理具七覺意是以不住真如實際作證是則名爲會理七覺也第四起方便七覺者若行人得理不證憐愍衆生興心萬行隨有所行悉知寂滅雖知無住無行而以七覺善巧修一切自利利他三摩提行如空中種樹是則名爲起方便七覺也第五入法門七覺者菩薩若能如是不依心及諸法一切三摩提若真若俗卽是具足二空之觀得入中道雙照二諦隨心所念則自然出生一切十力種性諸三昧等而亦不得諸三昧相所以者何諸陀羅尼相空諸三昧諸三昧相空故於

一切陀羅尼三昧功德智慧中心無住著是則菩薩七覺分分圓顯故名入法門七覺亦名開佛知見若能開佛知見則心心寂滅自然流入十住十行十迴向十地及等覺清淨禪中是故得名入法門七覺也第六圓極七覺者若菩薩摩訶薩住金剛三昧清淨禪中朗然大悟得一念相應慧寂然圓照一切了了分明是名圓極七覺亦名無上妙覺亦名無學七覺以如是等諸七覺義故菩薩從初發心所有觀行法門終至極果通名七覺意亦名觀心相亦名反照識如是等種種名字無量三昧者秦言調直心亦名常

寂定如明鏡不動靜水無波若對衆境影像皆現心亦如是性雖明淨以念動故則無所照了因上修習卽得念無動轉普現法門對此定已心無邪曲名爲三昧故云覺意三昧

釋覺意三昧方便行第三

問曰已知覺意三昧名義如是行者行何方便得此三昧於諸三昧得七覺意入深法性到大涅槃獲常樂我淨爲一切衆生作無上洲渚答曰行者爲成就大悲度衆生故求無上菩提至真之道先當立大誓願發志誠心以誓自要若我所學其事不成終不中

途有悔生退沒心爾時心如金剛決定信知諸法畢竟空寂而不捨無邊衆生故修諸行云何爲修若行者了知心及一切諸法皆無所有不生不滅寂然清淨而能善用六度方便以自調伏虛妄之心妄心既息三昧自發何等爲六若行者知心及物如夢所見皆無有實是於一切所有悉能捨離常自覺識不令慳著想起亦當廻此清淨捨心徧施衆生是時名修淨施之心因是心故則能趣向檀波羅蜜若行者知心如幻外諸惡法皆不可得雖對衆境常自覺了不令惡念心生是時名修淨戒之心因此心故則能趣

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

向尸波羅蜜若行者知心如燄空無根本外之入法亦皆無實是故利衰毀譽稱譏苦樂常自覺了不生愛恚是名修堅固忍因此心故則能趣向羸提波羅蜜若行者知心如化常自覺了觀行相續不令懈怠放逸心生是時名修精進之心因此心故則能趣向毗梨耶波羅蜜若行者知心如鏡中像一切所緣諸法皆無所有於行住坐臥四威儀中亂想不起假令失念尋即覺知故妄波不起心常寂然是時名修清淨定心因是心故則能趣向禪波羅蜜若行者了知心如虛空六識所緣內外諸法皆無所有畢竟空寂

善用無所得心破諸顛倒不得一切法不著一切法了達一切法是時名修正智慧心因是心故則能趣向般若波羅蜜行者若不修如上六種向道清淨之心則不堪修甚深三昧是故欲修覺意三昧者應須善學如上六度方便此六方便攝一切方便若能善用調伏六蔽麤心令意柔軟然後審諦細心觀察入正慧門是名習學甚深三昧初心方便

釋覺意三昧明心相第四

問曰行者欲入此三昧當對幾心相而觀察之答曰諸經論中辯心相各各不同今不具述是中畧明四

種心相以爲觀境何等爲四一者未念二者欲念三者念四者念已未念名心未起緣境欲念名心欲起緣境念名緣境心滿住念已名緣境心滿足已謝滅問曰心相衆多何以但舉此四運心相荅曰此四運心相攝一切心如緣惡法未念惡法欲念惡法念惡法念惡法已如緣善法未念善欲念善念善念善已緣諸六塵及三毒等一切煩惱乃至行住坐臥言語飲食所作施爲一切諸事皆有如上四相之心及緣一切世間法皆有如此四相之心是故但說四種之相以爲觀境靡所不攝問曰何謂爲相荅曰攬而可

別名爲相心識之法旣無形質若不約此四運之念分別則難可了知若不可了知則不可觀察故須先以四相分別若觀明白了達此相非相卽入一相平等問曰觀欲念念二運心相可爾未念未起則爲無心無心故則無相可分別念已已滅亦與無無異無法卽無相云何可觀荅曰未念雖未起而非畢竟無心所以者何譬如人未作後有緣事卽便作作不可以未作故卽便無人若定無人後誰作作以有未作人故則後有作人心相亦應如是因未念故得有欲念若無未念之心何得有欲念心耶是故未念雖未

起不得言畢竟無也汝言念已心已滅則不可觀者是亦不然念已雖滅亦可觀察譬如人作竟不得言無人若定無人者後誰更作念已心滅亦復如是不得言永滅無心若心滅已永滅者則是斷見說無因果是故念已雖滅亦可得觀問曰汝云何觀心若觀過去心過去心已過若觀未來心未來心未至若觀現在心現在心不住若離三世則無有別心更觀何等心荅曰汝問非也若過去永滅畢竟不可知者云何諸聖人能知一切過去心若未來心未至不有不可知云何諸聖人能知一切未來心若現在心無住

不可知云何諸聖人能知一切十方衆生現在念事如世鬼神尚自能知已三世心亦能知他三世之心何得佛法行人而起斷滅見謂無三世心如龜毛兔角不可得知當知三世之心雖無定實亦可得知故偈云諸佛之所說雖空亦不斷相續亦不常罪福亦不失汝勿斷見住無所知不修觀行猶如盲人雖對衆色而無所見汝亦如是於佛法中無正觀眼空無所獲

釋覺意三昧入觀門第五

問曰已知四運心相攝一切心行者云何觀察此心

通達實相圓照分明諸三昧具七覺意答曰行者先
以大誓莊嚴善修如上六度法門以調其心信知諸
法畢竟空寂而我爲無明所覆未能覺了必須勤修
正觀行到乃知豈可虛心妄解而自毀傷既能善自
調和然後隨心所起以無所住著之心反照觀察未
念欲念念念已之相爾時諦觀未念心爲滅欲念心
生未念心爲不滅欲念心生未念心爲亦滅亦不滅
欲念心生未念心爲非滅非不滅欲念心生如此於
未念四句中觀欲念心生皆不可得若不得欲念心
生亦不得不生卽於心性而得解脫云何名於未念

四句中觀欲念心生不可得一先約未念初句觀欲
念心生不可得若謂未念心滅有欲念心生者未念
心已滅欲念何處生爲卽未念滅生爲離未念滅生
若卽未念滅生欲念者滅法不應生以生滅性相違
故若謂卽滅中有生生滅不相違者是事不然若爾
應如熟果皮中有核皮爛核出皮非是核核非是皮
何得皮卽是核心法亦如是卽滅不得有生是故卽
未念滅欲念心生不可得若謂離未念滅有欲念心
生者則爲無因而有生是事不然以生無所從生是
則不名爲生如虛空無所從生故虛空不名爲生當

知離未念滅欲念心生不可得行者如是若卽若離
中觀未念心滅欲念心生畢竟不可得二明約未念
第二句觀欲念心生不可得若謂未念心不滅欲念
心生者爲卽不滅生爲離不滅生若卽不滅生不滅
已是生是生何得生若是生能生此生復應有生生
則有無窮生若此生生是事不然若是一體生一
中不應有多生如一指中則無多指若是異體生則
不應各生生以生體別不能相生故如桃李體別桃
不生柰柰不生桃是故卽未念不滅欲念心生不可
得若謂離未念不滅有欲念心生者欲念何處生若

生無處生卽是無因生若是無因生是則爲非生非
生而說生者是事不然以墮無因果過如說石女之
子黃門之兒當知離未念不滅有欲念心生不可得
行者如是若卽若離中觀未念不滅欲念心生畢竟
不可得三明約未念第三句觀欲念心生不可得若
謂未念心亦滅亦不滅有欲念心生者若是亦滅生
何須亦不滅若是亦不滅生何須亦滅以不定因不
能有定果故不能根人不能生定根之子若謂亦滅
亦不滅體一無異故有欲念心生者是事不然而今
亦滅非亦不滅亦不滅非亦滅性相違故不應體一

撰述
果居言舟才初編卷之三
二
不異能生於欲念如不定根人二根體非一故不能
生一子若謂亦滅亦不滅體異二各能生欲念者體
異卽還是定滅定不滅何名亦滅亦不滅若是定滅
定不滅各能生欲念者卽應二欲念生今實不爾若
二各不生則無欲念生行者如是觀時未念亦滅亦
不滅欲念心生畢竟不可得次明約未念第四句觀
欲念心生不可得若謂未念心非滅非不滅有欲念
心生者若因非滅生不須非不滅若因非不滅生則
不須非滅所非各異不應俱以爲因亦是相違之因
不能共有一果故如水火互非終不於中而生果實

若謂俱因二非而有生者是事不然若二非之處各
是有者二有還應生二生今實不爾若二非之處各
是無則無能生何能生所若無能生生所生者卽生
不名爲所生以所生無從生故行者如是觀非滅非
不滅欲念心生畢竟不可得復次行者既能如是約
初運未念四句中觀欲念心生不可得已卽當還約
欲念心生四句轉觀未念心滅不可得云何爲觀
若謂未念心是滅者爲欲念心生未念心滅爲欲念
心不生未念心滅爲欲念心亦生亦不生未念心滅
爲欲念心非生非不生未念心滅如是還反約欲念

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

中四句推求未念心滅畢竟不可得

推檢之相還轉用上約未念中

四句觀欲念意言句一類若行者不得未念欲念心

細比作自得具作云云

生滅則不得不生滅亦生滅亦不生滅非生滅非不生滅但以凡夫顛倒妄於未念欲念及一切法中計有生滅乃至非生滅非不生滅虛誑無實皆不可得但有名字名字之法不在內外兩中間亦不常自有即是無名字若不得生滅等四句名字亦不得無名字不得名字故非假不得無名字故非空不得假故非俗不得空故非真不得俗故非世間不得真故非出世間不得世間故非有漏不得出世間故非無漏

不得有漏故非生滅不得無漏故非涅槃行者如是觀未念欲念時若不得二邊則不取二邊若不取二邊則不執二邊起諸結業若無二邊結業障覆正觀之心猶如虛空湛然清淨因是中道正慧朗然開發雙照二諦心心寂滅自然流入大涅槃海若觀未念欲念如是餘念念已及一切心法類亦可知是則畧說正觀相復次夫修正觀則有二種一者總觀三者歷別觀第一所言總觀者若行人未有大方便力不能一切處中觀察實相故當先於坐中照了心意是則名爲總觀心意第二所以名爲別觀者若行人方

撰述
便善巧能一切處中常得用心是歷別觀於心意復
次行者欲入三昧要先於坐中而觀心意然後亦當
一切處中悉觀心意所以者何四威儀中唯獨坐時
身心安隱不沈不浮不異緣生故則心審諦事有觀
法故經云端坐念實相是名第一懺是故行者當先
於閑房靜室而修三昧云何爲修行者應當善自調
行身心等事事如禪法中說此中應廣明行者既能
善自調和是時當於坐中正念觀察心意識等四運
之義悉不可得觀行破析悉如上說是時名於坐禪
中修行三昧行者如是知心意識不見不得復當隨

有所作一一諦觀內外心外心名作者內心名受者
大集經中說作者受者行人觀於作者凡有六事觀
於受者亦有六種內外俱觀有十二種是三昧境能
生三昧行者應當隨所起處而觀察之外作六者所
謂一行二住三坐四臥五作作六言談內受六者所
謂一眼受色二耳受聲三鼻受香四舌受味五身受
觸六意緣法是爲十二觀境是三昧門第一若於行
時卽應觀行中未行欲行行已心相通達皆不可
得雙照分明如前所說復作是念如是行動由心運
役故有去來反觀行心不見住處無有生滅一切相

貌當知行者畢竟空寂第二若於住時卽應諦觀未
住欲住住住已心相皆不可得雙照分明具如前說
復作是念如此住者由心制御豎身安立故名爲住
反觀住心不見處所況復生滅一切相貌當知住者
畢竟空寂第三若於坐時卽應諦觀未坐欲坐坐坐
已心相皆不可得雙照分明亦如前說復作是念如
此坐者由心廻轉屈脚安身故名爲坐反觀坐心不
見生滅亦非內外當知坐者畢竟空寂第四於眠寢
時卽應諦觀未眠欲眠眠眠已心相皆不可得雙照
分明亦如上說復作是念如是眠者由心勞乏卽便

放任六分委臥故名爲眠反觀眠心不見相貌當知
眠者畢竟空寂第五若於作時卽應諦觀未作欲作
作作已心相皆不可得雙照分明亦如上說復作是
念今運身手作諸事業舉手下手由心廻轉得成衆
事故名爲作反觀作心不見動轉當知作者畢竟空
寂第六行者若於言語讀誦之時卽應諦觀未語欲
語語語已心相皆不可得雙照分明亦如上說復作
是念如是音聲有所談吐由心覺觀鼓動氣息衝於
六處咽喉唇舌齒齶等故有此言談反觀語心不見
蹤跡音聲住空當知語者畢竟空寂是爲行者觀於

外心六種事業悉知空寂不見作者有定實相是故
菩薩於一切事中修行三昧故般若經中佛告須菩
提若菩薩摩訶薩行時知行乃至坐時知坐臥時言
語身服僧伽梨時悉知已不可得故是爲菩薩摩訶
衍復次行者觀於內心有六種受知無受者所以者
何諸受雖空若不觀察能作無量煩惱生歟因緣是
故行者應當隨是諸根所受塵時一一觀察云何觀
察第一行者眼見色時卽應諦觀未見色欲見色見
色見色已四運之相皆不可得雙照分明廣說如上
復作是念如是見者卽無見相所以者何於彼根塵

空明之中各各無見亦無分別和合因緣出生眼識
眼識因緣出生意識意識出時卽能分別種種諸色
亦依於意識則有眼識眼識因緣能見於色而生貪
著是故卽當反觀念色之心如是觀時不見此心從
外來入而生領納亦復不見心從內出而生分別所
以者何外來於我無事若自有不待因緣當知受者
畢竟空寂故淨名菩薩云所見色與盲等第二行者
耳聞聲時卽應諦觀未聞聲欲聞聲聞聲聞聲已四
運之相皆不可得雙照分明廣說如上復作是念如
是聞聲無有自性但從根塵和合而生是意識想分

別故於所聞生諸煩惱及於惡業卽當反觀緣聲心
識不見體性當知聞者畢竟空寂故淨名菩薩言所
聞聲與響等第三行者鼻嗅香時卽應諦觀未嗅香
欲嗅香嗅香已四運之心皆不可得雙照分明
廣說如上復作是念如是香者是無知法所有鼻根
本亦無知和合生識假名說知虛妄意識得所領納
而生分別起諸煩惱生處業行卽當反觀意識不見
根源及與相貌當知領受者畢竟空寂故淨名菩薩
言所嗅香與風等第四行者舌受味時卽應諦觀未
受味欲受味受味已四運之相皆不可得雙照

分明廣說如上復作是念如是受味實無自性所以
者何外六味六味無分別內舌根本無知故但從和
合因緣而生舌識此識亦不定在內外兩中間故是
中心意強取味相生著分別故有一切諸使煩惱是
時卽當反觀著味心意識等不見住處況有生滅一
切相貌當知分別味者畢竟清淨故淨名菩薩言所
食味不分別第五行者身覺觸時卽應諦觀未覺觸
欲覺觸覺觸覺已四運之相皆不可得雙照分明
廣說如上復作是念如是覺者不從內生亦不從外
來所以者何冷暖輒滑等悉非外來故離冷暖等無

撰述
采月日月才力氣多長卷之三
法一
別來法故身頭等六分非是生法故離身六分亦無
生法故二和合身識生時卽名爲覺而此識性不在
內外無所依倚但以心意強作分別謂證諸觸生苦
樂想故有愛恚一切煩惱是時卽當反觀緣觸心識
不見住處況有生滅一切相貌當知能覺觸者畢竟
空寂故淨名菩薩言又觸如智證第六行者意緣法
時卽應諦觀未念法欲念法念法念法已四運之心
相皆不可得雙照分明廣說如上復作是念如是我
識攀緣諸法悉是虛誑無有實事所以者何法如幻
化性無實故心如陽炎無暫停故法無定性不可緣

故心無住處誰是能緣若離能緣所緣更無別緣豈
知但以虛妄憶想強起分別是法而生諸見一切煩
惱生歟業行相續不斷是故行者爲破虛妄顛倒想
及隨緣境時卽當反觀反觀心意識根源諦觀心時
不見住止及與生滅一切法相若心無住處生滅諸
相當知此心則不可得尚不得心況心數法若無心
數一切諸法竟何所依是故經言我心自空罪福無
主一切法亦如是無住無壞行者如是觀心意時不
得一切法當知所攀緣法畢竟空寂故淨名言知諸
法如幻相無自性無他性本自不然今則無滅如是

之言當何謂也前破未念欲念心正觀相應以十二
事中應當一一分別說行者如是觀察時亦當應識
有三種心一者觀亂心二者觀定心三者觀於觀心
云何名爲觀於亂心如上所說種種事中行者初學
未了諸法於是境界悉有亂起一心諦觀不見心相
則無有亂其心安隱行住坐臥身心寂泊澹然不動
卽是定心於是定心若不觀察多生染著如淨名菩
薩言貪著禪味是菩薩縛是故當觀定心不可得尚
無有心定在何處當知此定從顛倒生如是觀時不
見於定及與非定不生貪著得脫定縛故淨名經言

以方便生是菩薩解是名觀相觀於定心觀定心已
行者既未悟於理或計我能觀心是故不見有定亂
相當知如是妙慧最爲殊勝著是觀慧卽便自高謂
他不能解如是念時是名智障同彼外道故釋論說
是諸外道愛著觀空智慧不得解脫行者既知計有
觀者是大障礙不會泥洹卽當反觀能觀之心不見
住處亦復無起滅當知畢竟無有觀者及非觀者既
無觀者誰觀諸法不得觀心卽離觀想故釋論云念
想觀已除戲論心皆滅無量衆罪除清淨心常一如
是尊妙人則能見般若名爲觀於心性故大集經

亦言觀於心心是三觀者卽三三昧也所以者何於
初觀中能破一切種種有相不見內外卽空三昧也
第二觀中能壞空相是則名爲無相三昧第三觀中
不見作者此卽名曰無作三昧菩薩行是三昧時則
能破壞三倒三毒心意識相及三有流亦能降伏四
種魔怨所以者何夫煩惱者悉是亂惑如是觀空能
了煩惱性無動轉卽是菩提故諸法無行經云貪欲
卽是道患癡亦如是如是三法中具一切佛法若煩
惱是菩提何得復以菩提而惱菩提若知煩惱相空
卽是菩提度煩惱魔餘三魔亦如是所以然者如思

撰述

卷之三

三

法

益經云愚於陰界入而欲求菩提陰界入卽是離是
無菩提當知觀空卽度陰魔如思益經又云生炁是
涅槃無退沒生故當知觀空卽度灰魔首楞嚴經云
魔界如卽是佛界如魔界如佛界如一如無二如是
故不出魔界而得佛界當知觀空卽度他化天子魔
菩薩行三空正觀卽時不復恐怖四魔亦不得四魔
而能度四魔故釋論云除諸法實相其餘一切皆名
魔事若能善修實相卽無魔事是故行者善觀此意
修行三昧終無魔事若離此觀分別憶想必定墮魔
網中故釋論云若分別憶想卽是魔羅網不動不分

文冊

聖者可及書文善觀經卷之三末

三

五

別是則名法印復次行者能善修如上三觀破一切
法心無所著雖知衆生空相而常念大悲不捨一切
衆生學諸波羅蜜起十力觀察法界種種法門長養
一切諸善功德

譬覺意三昧證相門第六

行者如是行時必定當入外凡位中因是位故得入
內凡初發心住云何名爲外凡位外凡者是鐵輪菩
薩具煩惱性能知如來祕密之藏亦名外凡十住其
名云何一名信心二念心三曰精進心四慧心五定
心六不退心七廻向心八護心九戒心十願心行者

善修三種觀觀於諸法若心安住念想心息時或於
入觀或於住禪中或出四威儀中爾時自覺身心豁
然空寂如影不實外視諸法似如浮雲亦如幻化必
當於此生方便慧解及知諸法不生不滅生處涅槃
無有二際若聞十二部經亦自開解得此慧故自知
身中祕密之藏一體三寶與佛無異亦能巧說三乘
法要言語無盡雖未證真相似慧力了了無礙得此
證故名曰信也但初信心功德如是況下九心而當
可說信因緣故知法實相是第一義萬行之本衆靈
之源是故於一切時常念無生破壞種種邪見妄執

成就正念安心一相如如之理無所取捨故名念心
成就勤行三慧進趣菩提無有懈怠名精進心精進
勤行聞思修故因是獲得正智慧眼覺一切法其心
轉明能入實相而無所著故名慧心智慧力故破諸
亂惑安心理性入深三昧故名定心禪定因緣扶同
正慧即得堅固亦能長養大慈善根名不退心心力
勇進能遍了諸法悉入無生是時有所作事並趣菩
提莊嚴萬行者普施衆生名迴向心妙善開敷勤心
長養不令諸過得入損於善根故名護心既能善遮
內非亦當嚴防外惡爲防惡故修二種戒謂性重息

攝述

摩訶止觀卷之三

三

法

世譏嫌微細不犯故名戒心既能內防諸漏外以戒
自嚴是時心無覆蓋習理之慧踰成明顯既解了無
生觀理之時實不見衆生可度煩惱可斷法門可入
佛道可成菩薩爾時恐失大悲墮二乘地卽作是念
諸法空中當無衆生及與佛果但世俗法中非無衆
生乃至佛道而一切衆生以不知空故輪轉五道其
爲可愍我當爲是虛妄衆生起大誓願增菩提心作
是願言願得無生忍時知衆生空及與不空乃至菩
提佛道亦復如是以知空故發大誓願而成就之住
是地中能知空故過凡夫地知不空故過聲聞地若

支那

摩訶止觀卷之三

三

法

不住空不住不空名爲中道行於中道真正願故名
曰願心菩薩住是十心名鐵輪位名曰外凡是人具
煩惱能知如來祕密之藏得相似中道智慧住自性
禪善修如是十種心故心得開發豁然意解見如來
藏悟一切法獲無生忍爾時始得入發心心住住此位
中卽入內凡名銅輪位亦名聞慧具足亦名習種性
亦名伏忍亦名十願亦名發趣亦名道慧亦名不生
生亦名開佛知見如是等異名無量所以最初名發
心住者行人從初發心已來雖有大慈大悲禪定智
慧無量功德而未得實相般若但是發心不名爲住

始於此位與理相應故得住名故瓔珞經云入理般
若名爲住又解言發心住者發謂開發住名得安止
處是始得開發如來藏理得無生安止之處具此二
義亦名發心住復次菩薩住是位中具一切禪及與
難禪所以者何一切禪者有三種一樂法樂住禪者
初位能斷一切三界煩惱永盡無餘故於諸法無愛
著所有禪定不生愛見無爲自在二出生三昧禪者
入初住位能生無量十力種性諸三昧等三利益衆
生禪者入是位中或面見十方三世諸佛具大總持
辯才無礙以利衆生或得六通同事度脫是名初住

具於三種一切義禪得難禪時亦有三種一入是位中捨此身時雖無生歿結業而能起法性生身遍現二十五有種種諸身二入是位中必定越過三乘所證一切法門三入是位時於念念中所有功德悉趣菩提故瓔珞經云三賢菩薩自然流入妙覺大海是名初發心住中具足三種難禪菩薩具足自性禪一切義禪者是眞初住入理賢人名處在聖胎得無生忍亦復悉知上地法門於一心中具足萬行無量功德不可窮盡其餘九住及十行十金剛十地等覺妙覺是諸佛境界是菩薩所知豈是凡識之所能量是

則畧說修行覺意三昧最初境界是中行者當善取其意勤而行之

釋摩訶般若波羅蜜經覺意三昧

音釋

苞

班交切 逆各切 齒與包同 齧根肉也 齧許枚切 以鼻檻氣也

休寧縣竹林信士汪高明同室人戴氏率男文順文升敬刻
釋摩訶般若波羅蜜經覺意三昧 祈上父湧母孫氏身躬康泰復興亡故生母吳氏早登淨域者
澄江釋在誠對上元李淵書上元縣陶慶信刻
萬曆丁未冬十月徑山寂照庵識

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

法苑珠林

卷之四十四 法苑珠林卷之四十四

三

法苑珠林

四念處卷第一 非去非備 然無為學 齋之而諸界
 隋天台山修禪寺智者大師說 不可說非
 一切諸法皆不可思議不可思想圖度不可言語商
 略何以故言語道斷故不可議心行處滅故不可思
 大經云生生不可說生不生不可說不生不生不可說
 不生不生不可說既不可說亦不可思大品云色不
 可說乃至識不可說眼不可說乃至意不可說色不
 可說乃至法不可說眼界不可說乃至法界不可說
 當知五陰十二入十八界皆不可說此指俗諦不可

支那

法苑珠林

一

法苑珠林

說也四念處不可說乃至根力覺道皆不可說須陀洹不可說乃至阿羅漢亦不可說此指真諦不可說佛十力不可說四無畏十八不共三十二相八十種好等皆不可說此指中道第一義諦不可說也大論云實法不顛倒念想觀已除言語法皆滅無量眾罪除清淨心常一如是尊妙人則能見般若此總指三諦不可思議也法華云諸法寂滅相不可以言宣又云是法非思量分別之所能解當知不可以心思口議亦不可以無心口思議不可以有無不可以非有非無非方非數非法非論寂然無爲羣經之極說衆

聖之誠言淡淡若此明明若彼境智雙冥能所俱寂淨名諸菩薩以言言於無言文殊以無言言於無言淨名不以言不以無言默然無言文殊歎曰真入不二法門當知玄妙玄妙不可思議復不可思議但可冥悟不可以彰辯問若不可說不可說何故言滿龍宮若不可思不可思何故雪山溪思此義答佛常樂寂而哀於蒙欲訥於言而敏於行慈悲權巧指畫虛空撝方示月作種種說或作生生說或作生不生說或作不生說或作不生不生說若作生生說時又非一種或作有說或作無說或作亦有亦無說或作

非有非無說引諸根性從四方門入清凉池聞悅善
生惡亾理顯得四利益餘三句亦如是欲令此義明
了更引諸經大經名諸佛法界佛卽果人法界卽果
法於無果中而作果說大品云諸法實相慧名摩訶
般若此慧有能度所度今取能度名般若於無因中
而作因說大集云菩薩觀一切法平等衆生性同涅
槃性若觀平等卽因也同涅槃卽果也此約亦因亦
果說也華嚴云遊心法界如虛空則知諸佛之境界
遊心卽因佛境界卽果如前說法華云是法不可示
言辭相寂滅此卽非因非果說也法門甚衆廣說令

智退略則義不周我今處中說方則四句略則因果
聞而修行名之爲因與法相應名之爲果約果更修
故言因因從因又得果故言果果若初若後究竟寂
滅故言非因非果初生生四門亦作因果四說乃至
不生不生亦作四門門亦作因果之說一一說中
悅種種衆生立種種善根治種種罪垢從於種種入
第一義故初中後重說無咎說卽是教稟教修觀以
修觀故名修因念處此義廣可思之元佛出世爲一
大事因緣開發衆生諸覺寶藏譬如日出先照高山
先喜先利先治先益大經云若欲盛貯先用完淨若

欲耕墾先種肥良若欲乘御先駕調壯若欲教詔先
教孝明斯皆積習深厚煩惱障薄先聞雷震先沐甘
雨先出籠樊先獲正觀皆由往昔數數勤修今世道
成最初四益其未度者更設方便而塗慰之隱其無
量神德以貧所樂法趣波羅柰便有涅槃音法僧差
別名則是從頓次漸而調熟之今從此義粗爲四說
說卽是教依教修觀卽是四種四念處所爲生生四
念處乃至不生不生四念處亦名三藏通別圓四念
處若三藏四念處更爲三大意五停四念所言三者
其義有八謂理教智斷行位因果理三者聲聞謂理

在正使外緣覺謂理在習氣外菩薩謂理在正習外
三人出三種外方乃見理故言理三也教三者聲聞
稟四諦緣覺稟十二緣菩薩稟六度聲聞修總相智
緣覺修別相智菩薩修總別智聲聞斷正緣覺斷習
菩薩斷正習聲聞爲自修戒定慧緣覺爲自修獨善
寂菩薩爲衆生修六度五通聲聞住學無學緣覺住
無學菩薩三僧祇登道場聲聞帶果行因緣覺望果
行因菩薩伏惑行因聲聞斷正如燒木爲炭緣覺斷
習如燒木爲灰菩薩正習盡如燒木無灰炭具此八
三故言三也藏者謂修多羅藏毗尼藏阿毗曇藏修

多羅藏謂四阿舍增一阿舍說人天因果長阿舍破邪見雜阿舍明諸禪法中阿舍明諸深義具如彼二云

毗尼藏明持犯輕重如律藏中說阿毗曇藏名無二云

比分別無比分別二云大經云此是契經甚深之義

此是戒律輕重之義此是阿毗曇分別法句皆佛自

釋三藏名也今不具論然佛臨涅槃阿難心沒憂海

阿菟樓駄語云汝持佛法人應問將來事云何啼哭

阿難即醒悟乃問四事佛皆具答今出其二比丘當

依四念處行道依波羅提木又住木又有二一舊二

客舊又二一邪二正正謂十善邪謂鷄狗牛馬等二云

二云定有二一舊二客舊又二一正二邪正謂三四十

二邪謂邪禪鬼定等二云慧有二一舊二客舊又二

一正二邪正謂識因識果邪謂撥無因果三種舊邪

墮三惡道佛棄而不用三種舊正昇三善道佛會而

取之夏說三種客法客戒者謂三歸五戒二百五十

等客定者謂九想八背等客慧者謂四諦智也佛之

遺囑以戒為師師訓七支弟子奉行莫令汙染仁讓

貞信和雅真正戰戰兢兢動靜和諧故言以戒為師

也依木又住者木又名保得解脫若依木又住者保

脫世間熱惱所謂居家逼迫牢獄熱惱妻子柳檔繫

縛熱惱財業產貨怨賊熱惱王難逼迫水火熱惱若
依木又保脫如此熱惱也又復住者未來住安樂之
處也若能住戒者不耐惡聲惟欣善法未來保住四
天王住處也若住戒者則是供養三寶供養父母未
來保住三十三天也若住戒者能發羸住保得住於
炎摩天住處也若住戒者能發細住保住兜率陀天
若持戒者能得欲界定保住自在天若住戒者能發
未來禪保住他化自在天若持戒者能發四禪四空
保得住於色無色界諸天住處也是名依波羅提木
又住也依念處行道者若無念處慧一切行法皆非

佛法非行人皆空剃頭如放牧者空著染衣如木
頭旛雖執鉢錫如病人乞具雖讀誦經書如盲人誦
賦雖復禮拜如碓上下雖復坐禪如樹木葉雖復興
造媒衞客作種樹貿易沈淪生歿蠶蠶自縛無解脫
期捨身命財但得名施非波羅蜜雖復持戒不免鷄
狗雖復精進精進無繡媚雖復坐禪如彼株杌雖復
知解狂顛智慧常在此岸不到彼岸不降愛見不破
取相不得入道品非賢聖位不成四枯樹非波羅蜜
何以故無念慧故以念慧能破邪顯正大經云舊醫
乳藥其實毒如蟲食木偶成字耳是蟲不知是字

非字更有新醫從遠方來曉八種術謂四枯四榮以
新四枯破其舊乳法華亦云大火從四面起卽斯例
也執倒略有三種一切智六師故六臣白王我師
是一切智王若見者罪垢消滅此執世性也大論云
得宿命智見八萬劫事過是已不復能知但見初受
胎身中陰之識而自思惟此識不應無因緣憶想分
別有法名世性非五情所知極微細故於世性冥初
生覺覺卽中陰識從覺生我從我生五塵謂色聲香
味觸從聲塵生空大從聲觸生風大從色觸生火大
從色聲觸味生水大從色聲觸味香生地大從空生

耳根從風生身根從火生眼根從水生舌根從地生
鼻根如是漸漸從細至麤還從麤至細譬如泥丸中
具有餅盆等性餅盆等破還爲泥都無所失世性是
常無所從來此僧佉所執也復有執微塵微塵常不
可破至微細故但待罪福因緣因緣和合故有身若
天人地獄等以父母故罪福盡則散壞復有執自然
爲世界始貧富貴賤非願行所得復有人言天主是
世界主始造吉凶滅時還天攝取復有人言世世受
苦樂盡自到邊譬如山上投縷丸盡自止受罪福命
歸於盡是諸邪外皆於禪定知見不從他聞亦不從

撰述
正念厥考
七
法一
韋陀中聞執此明利故云是事實餘妄語卽此意也
復計自在天復計父母等皆是一切智之執也二者
神通六師修得五通停河在耳十二年變釋爲羊千
根在體毗富羅城變爲鹵土等是也三者韋陀六師
解星文地理十八大經知吉凶等是也雖知世性無
神通是小知世性通是次知三種備足是大六師阿
毗曇中明三種念處謂性共緣對破此三外道有人
釋性念處謂觀無生淺名爲生淺細觀無生見細法
皆生歟苦諦名性念處有人專用慧數緣無生空理
發真斷結得慧解脫羅漢對破邪因緣無因緣顛倒

執性一切智外道也共念處者以禪定助道正助合
修亦名事理共觀發得無漏三明六通八解成俱解
脫羅漢對破根本愛慢得五通外道也緣念處者緣
佛三藏十二部文言及一切世間名字所緣處廣非
如支佛出無佛世不稟聲教但作神通以悅衆生不
能說法緣念處人了達根性善知四辯堪集法藏成
無疑大羅漢對破世間韋陀星文地理文字鄙狹當
知邪正真僞猶金比鐵螢日跡海故大經云於諸想
中無常爲最於諸耕中秋耕爲最於諸跡中象跡爲
最無常譬性耕譬神通跡譬文字也經云諸優婆塞

善解諸法對治之門所謂常無常等故知心行理外未入正真破邪之義可解二明五停心者謂數息不淨慈心界方便因緣觀也停名停住行人聞生滅四諦發心觀苦諦欲出生死爲煩惱風搖動慧燈照境不了爲除此障修五停心息門有數隨觀等不淨門有九想八背等慈心界方便十二因緣皆如禪門中廣說今不委論此五停門復有五意謂對轉不轉兼亦對亦轉亦不轉亦兼對者數息對覺觀不淨對貪欲慈心對瞋恚方便對我因緣對癡對治若成煩惱不起又發禪定禪定持心安隱出入故云五停心也

心旣調定乃可習觀若對治未益更須用後四種治之行者善用四隨巧修五治煩惱不能障觀心停住卽入初賢位具如禪門廣說問此中何不用念佛停心答作五度門則不用作六度門卽須用因緣對等分念佛對逼迫障云云問停心得住名初賢者今人數息或得不淨或二三四五是爲賢不答若以愛見心修禪乃至非恚尚非初賢況數息不淨乃發淺法而名爲賢耶經說多修福德名爲愚多修智慧名爲狂豈可以狂愚爲賢舊云隣聖爲賢此語大高今言善直曰賢應作四句一隨愛見破戒亂心此非直非

善如無目無足不能入清涼池二持戒修禪而生邪見此善而不直亦不名賢如有足無目亦不能入清涼池三信心正見而破戒心亂此直而不善亦非是賢如有目無足不能入清涼池四信解正智得佛教意持戒清淨修安般不淨等觀心得停住各直各善有目有足能入清涼池是四初賢善直義成也問云何名得佛教意答中論云佛去世後像法中人人根轉鈍淡著諸法求十二因緣五陰十二入十八界等決定相但著文字此不知佛意佛意者生生不可說有因緣故作生生說令物離生歿得涅槃若著文字

興毀諍競則三界火猛不得佛意非賢人也

云云三

釋四念處四者數也念者觀慧也處者境也數有開合若迷心不迷色則數爲五陰若迷色不迷心則數爲十二入若俱迷者則數爲十八界如毗婆沙也

云今言四者人於五陰起四倒於色多起淨倒於受

多起樂倒於想行多起我倒於心多起常倒舉四倒故言四也若相生次第應言識受想行色若麤細次第者應言色行想受識今從語便故言身受心法文從起倒多如前說然三藏要意正猷生歿欣入涅槃須信解正因緣三世二世一世十二因緣因緣支是

四諦無明行愛取有是集諦五果是苦諦知苦斷集
是道諦無集苦是滅諦識此無明老成破外人邪無
因緣生一切法種種顛倒不隨虛想邪僻淡信正因
緣也二真正發心者驚覺無常之火燒諸世間一心
求出剎那不懈莫念名利如蟻在圍跳透求脫似犢
失母惆悵嗚呼修習禪慧如救頭然云云三巧修定
慧出世之行欲界亂心如風中燈是故依靜求定若
定無慧如闇中無所見巧修二法如二手互相揩摩
亦如乘馬亦愛亦策善用四隨信法兩行八句得所
云云四破法遍者觀因緣生滅破一切愛見戲論諸

法徧知一一愛見中有四諦十二因緣六波羅蜜以
其藥去病除云云五善知通塞者知一切愛見之法
皆有道滅之理名通悉有苦集名為塞六善修道品
者於諸見動而修念處若別若總乃至三解脫門云云
七善修助道即是五停心共念緣念六番觀禪謂
八念九想十想八背捨八勝處十一切處等也八善
知次位者善識七賢位不叨濫增上慢成慚愧有羞
僧內外明照善識邪正佛法非佛法破諸邪外也九
安忍強輒兩賊外則眷屬惡名穢稱若不忍者則為
所壞內忍種種證得諸禪著則生愛為輒賊所壞境

界逼迫是強賊也十順道法愛不生發外凡內凡種
種順道善法心不愛著也是爲要意云云末代求聲
聞人知此十法分明不著文字戲論內有智性求於
聖道厭患三界修五停心入初賢位卽是善知佛教
發種種諸禪境或有增益觸或有增病觸或有二十
種壞禪觸或有十種成禪覺行者因停心故得欲界
定或得對治心在靜中功德法門起卽便觀之觀之
略爲十一陰界入境乃至第十菩薩境自有行人或
次第或不次第或是善是邪今作十雙料簡一次第
不次第乃至第十三障四魔次第者如上不次第者

不如上別有所出

云云

問大乘生次卽涅槃得有理

卽乃至六卽之義三藏亦得作六卽不答欲作亦得
三乘同有偏真之理是理卽三藏中習學名相語言
是名字卽五停心別相總相念處是觀行卽四善根
是相似卽苦忍真明至第九無礙道是分真卽至佛
三十四心斷煩惱及習是究竟卽云云已知三藏要
意須識三人念處不同先明聲聞別四念處後說總
四念處別者身受心法也云何觀身一切色法名之
爲身內身外身內外身已名內身眷屬及他名外身
若已若他名內外身此三種色皆從前世不淨業生

前世不畏生歿不厭繫縛不欣解脫不尚涅槃於四
聖諦了無願樂種種顛倒業業縛於識將入母胎則有
五種不淨謂生處種子相性究竟生處者女人之體
是不淨聚蟲膿穢惡合集成立筋纏血塗皮裹其上
如彼土壁假以泥治處莊粉墀經十月日二藏間夾
窄隘如獄釋論云此身非蓮華亦不由梅檀糞穢所
長養但從尿道出云云種子不淨者攬於遺體赤白
二滯於中而住是識隨母氣息是爲受身最初種子
不淨也相不淨者頭等六分從首至足純是穢物譬
如灰狗盡海水洗洗灰屎盡唯餘一塵一塵亦臭猶

如糞穢多少俱臭從頭至足皆不淨相也性不淨者
根本從穢業生託於穢物長養其性自是不可改變
身中有三十六物內有十二名性不淨外有十二名
相不淨中有十二通於相性云云究竟不淨者業盡
報終捐棄塚間如朽敗木大小不淨盪流於外體生
諸蟲啖食其肉狐狼鴟鷲裂其外尚不可眼見耳
聞况鼻嗅耽湏故毗曇偈云是身不淨相真實性常
其始終麤細過患若此而言淨者是大顛倒如狂如
醉如癡小兒捉糞啜噉是何可耻云云受念處者領
納名受有內受外受內外受緣內名內受緣外名外

受緣內外名內外受又意根受名內受五根受各外
受六根受各內外受於一根有順受違受不違不順
受於順生樂受於違生苦受於不違不順生不苦不
樂受於六根卽有十八受根塵能所合三十六受約
三世有百八受諸受皆苦樂受是壞苦苦受是苦苦
不樂不苦受是行苦諸受麤細無不是苦如食有毒
食消則苦樂受壞則苦如搔疥初美後苦樂受壞苦
亦復如是餘兩苦可知云云心念處者若依麤細應
先法念處今依說便明心念處心者心王異乎水石
心例上有內心外心內外心心王不住體性流動若

麤若細若內若外皆悉無常無奢無促今日雖存明
亦難保一比丘不保七日乃至不保一日佛訶皆懈
怠一比丘言出息不保入息佛言善哉剎那促時無
常老歿至近是一期無常佛法欲滅是轉變無常山
水溜斲石光若不及時後悔無益云云法念處者法
名軌則有善法惡法無記法人皆約法計我我能行
善行惡行無記若於心王計我已屬心念處攝若於
心數計我從九心數一切善數惡數通大地數竝屬
行陰法念處攝此等法中求我決不可得龜毛兔角
但有名字實不可得若善法是我惡法應無我若惡

法有我善法應無我又惡法是我何容爲惡自害若無記是我者無記不能起業但名因等起因此無記起善起惡善惡業尚非我因等起何得是我當知皆無有我但是行陰故經云起唯法起滅唯法滅但是陰法起滅無人無我衆生壽命雖有法起亦是顛倒顛倒者卽是身邊二見名爲汙穢五陰無記亦是汙穢五陰無記緣報法起故皆無我也雖心王心數同時俱起用有強弱若心強屬心念處若數強屬法念處釋論云覺觀雖同時覺時觀不明了觀時覺不明了故分覺觀之異今心念法念逐其強弱亦復如是

如是善惡等法求我不可得故名法念處也說別相念處竟總相念處者緣一境總爲四觀此中應四句料簡謂境觀俱別境觀俱總境別觀總觀別境總初是別觀四念處後三句是總四念處也略說如此夫一切衆生生死流轉皆由顛倒顛倒縱橫如猪嗜糞肉肥內飽外油祖父之鎧二云云斯甚惑矣似魚吞鉤如蛾赴火以苦捨苦斯甚惑矣掣電野馬水泡石火以無常爲常斯甚惑矣兔角龜毛黃門子石女兒無人謂有人無物謂有物斯惑甚矣今以念處智慧破之知身受心法是知苦不起倒惑是知集狀苦息集

是修道苦集寂然是知滅大經云我昔與汝等不見
四真諦是故久流轉生歿大苦海若能見四諦卽得
斷生死生有旣已盡更不受諸有中論云能觀身破
二十種身見得須陀洹觀身是知苦身見不起是無
集破二十種身見是有得道得須陀洹是證滅經論
辱同當知念處之慧有大利益云云共念處觀者大
論云觀身爲首因緣生道若有漏若無漏受心法念
處亦如是道從因緣生卽是共義觀身爲首共三四
十二卽是有漏生也共八背八勝十一切處卽是共
無漏生也南嶽師云九想八背諸對治助開三脫門

故名共念處也經云亦當念空法修心觀不淨卽此
意也云云毗曇有門觀生空名爲空法修心不淨從
不壞內外色以不淨心觀之名初背捨若內外色增
廣一村乃至多村一禽獸乃至一切飛鳥走獸悉皆
不淨是名大不淨若內無色相以不淨心觀外色入
二背捨乃至八背捨八勝一切處九次第師子奮迅
超越欲界初禪皆不淨破淨顛倒以事助道故名共
念處發真之時理慧成就事定具足三明六通俱解
脫羅漢堪可結集法藏破神通外道有人弘經云非
禪不慧從五停禪生四念處發聞慧也若非慧不禪

者此從四念處生四如意足也私謂此禪又慧共修證其修念處應便也緣念處者大論云一切色法名身一人及十人少分既是色色屬身也六受爲受六識爲心想行兩陰及無爲法名法通一切境界皆名緣念處觀有人言十二因緣境慈悲皆緣名緣念處南嶽師云教所詮一切入界事理名義言語音辭因果體用觀達無礙能生四辯於一切色心無所礙成無疑解脫羅漢破韋陀外道齊此約愛使爲觀意次破見惑明三種念處者大論云真空人亦破一切法邪見人亦破一切法云何有異答邪見有三種一破

因不破果二因果俱破三破因果又破一切法瞋處生瞋愛處生愛癡處生癡是爲邪見真空人破諸法瞋愛癡處不生以此爲異云云有人破空有兩門云道非有無畢竟不可說今問空有是斷常者此則瞋處生瞋同彼外道畢竟不可說者此則亦愛處生愛過同邪見又是自然計耳經言於諸見不動而修三十七品此應作四句動修不動修亦動亦不動修非動非不動修四句對四門皆動修是析法道品四句皆不動修是體法道品若論見者四句皆見云何棄兩云是斷常取一句言是清淨若論修道品四句皆

得修云何言一句是修道兩句非修道若識四句皆是身邊五陰身邊五陰卽有集旣識苦集卽可修於道品若不識四句身邊戒取邪疑者不知苦集卽是愚癡與長爪何異大品云色若麤若細若常無常乃至非常非無常是見皆依色起若起我見若麤若細若常若無常乃至非常非無常是見皆依色起卽是身見受心法亦如是常見有三假一假有四句三假十二句四假則有四十八句能所合九十六句受心法一一皆有九十六句觀性念旣爾共念緣念亦如是若阿毗曇人善識見有中六因四緣因緣無性無

常生滅四諦可得道能破六十二見若成論見空善識見空中四緣三假四諦能破六十二見見有見空俱得道卽是於諸見不動而修三十七品成四枯念處若不識者只是有見空見都未入賢況於聖位設極修善只得人天若復爲惡三途是宅佛法無分當知四念處觀邪正分門若得四念處一切法正若不得者一切法邪今時行人不識此意悲痛奚言若值衆師廣聽多論無能了者尚不成四枯豈得四榮可悲轉淡云云總四念處者有人言共念處卽總相念處今謂不爾應作四句分別前已說今更叙一境別

觀別二境別而觀總三境總而觀別四觀總境亦總
境觀別者正是別相性念處次境別觀總觀別境總
此二是總相四念處之方便四境觀俱總是總相四
念處若作一身念處觀或總二陰乃至總五陰是名
境觀俱總也受心法念處亦復如是總相緣念處總
共相念處亦如是類之可解若解前方便者入總相
念處修總相正勤如意根力覺道類前可解總相法
淡細爲異耳若安隱八正道中行能觀四諦生暖法
故大論云八正道中行得善有漏五陰名爲暖法當
知有方便者即得三十七品也問八正七覺是修道

今何得四念處中說耶答薩婆多云八正在前七覺
在後決定是無漏若七覺在前八正在後通有漏無
漏也此三賢人竝名乾慧地未證善有漏五陰相似
之理定水未霑名乾既觀行能伏諸見故名爲慧
住持生善法名之爲地故名乾慧地亦名外凡位_二
次明支佛觀者佛者此間名覺覺有二種有獨覺
緣覺俱有小大小者在人中生是時無佛自能得須
陀洹七生又滿不受八生自性成道是人不知爲佛
亦非羅漢論其道力不如舍利弗而諸大羅漢呼此
爲小辟支迦羅大者於二百劫修行三多倍隆智慧

又強得三十二相或三十一相或三十二十九乃至一相於九種羅漢勝於總相別相能知能入久修習空常樂獨處是名大辟支迦羅皆歷三種因緣十種十二因緣分別大小若聞因緣修性念處觀十二因緣善根淳熟因於遠離自然獨覺成小迦羅若修共念處緣念處事理善根淳熟獨覺自悟具足三明八解六通成大迦羅若聞生滅十二因緣卽發四辯在聲聞數中故經云爲求辟支佛者說應十二因緣法法華云若人有福曾供養佛志求勝法爲說緣覺也次論十二因緣觀者初從愛支爲首一推尋二觀破

推尋者是人聞正因緣生滅之法信解分明知一切屬愛煩惱皆是十二因緣觀之入空息心達本源求自然慧樂獨善寂修五停心得諸禪定於定中知屬愛煩惱卽是無明逆順推尋見十二因緣推此貪愛因何而生卽知此貪因受而生受因何生卽知因觸觸因六入六入因名色名色因識識因行行因無明無明因過去一切煩惱又順推此愛能生取取生有有生未來二十五有生歿因生有老憂悲苦聚輪迴無際若因停心入深禪定如是逆尋或見歌羅邏初受身乃至見過去身起業煩惱時乃至二生十生百

生千萬無量世界順推尋取有若因禪定之力或見
未來一生乃至十生百千無量生若見過去未來事
其心悲喜道心精進轉復增盛二觀破屬愛十二因
緣者卽是性念處歷別觀十二緣也性念處如前說
觀愛卽是汗穢五陰性四念處若觀受觸六入名色
卽是果報無記五陰性四念處若觀無明卽過去汗
穢煩惱五陰性四念處若觀於取卽是汗穢煩惱五
陰性四念處若觀於有卽善不善五陰性四念處若
觀未來生歿卽果報生歿無記性四念處是名逆順
觀察破四顛倒顛倒滅是無明滅一切煩惱行乃至

老歿憂悲苦滅是名用性念處歷別觀愛煩惱十二
緣觀也二明破屬見十二緣又一一推尋二觀破尋
者若見神及世間常無常亦常亦無常非常非無常
是則現在生身邊四見因此身邊四見生十四難六
十二見此身邊四見卽四取逆順尋此四取因四愛
四愛因四受四受因四觸四觸因四入四入因四名
色四名色因四識四識因四行四行因四無明復順
尋四取四取生四有四有生一切二十五有生歿憂
悲苦聚若深識見惑過去未來生事如前說云云二
明性念處觀破四取身邊四見如是次第乃至無明

破過去如去不如去亦如去亦不如去非如去非不
如去身邊二見汗穢五陰也又順觀四取乃至未來
生老灰破有邊無邊亦有邊亦無邊非有邊非無邊
身邊二見汗穢五陰能如是用性念處破三世身邊
二見四見即破十四難六十二見一切屬見煩惱一
時皆滅則無明滅乃至老灰滅屬見煩惱既滅即還
用前觀愛十二因緣性念處觀破欲愛色無色愛三
界煩惱道業道名有餘涅槃若苦道滅即是無餘涅
槃是名性念處智慧觀十二因緣入涅槃也經云十
二因緣其義甚深難解難知佛說涅槃時有外道名

富那問云何令我知神及世間常乃至非常非無常
佛答汝能畢故不造新即能知神及世間常無常乃
至非常非無常梵志悟解求索出家爲佛弟子又中
論明聲聞經入第一義竝約觀十二因緣破六十二
見入第一義若深得此意不止破外道若佛弟子學
問坐禪發種種見取諍論起煩惱作二十五有生灰
業皆是屬見煩惱十二因緣若覺知者能用性念處
檢校即得解脫其迷此者流轉生灰無有邊際故中
論云眞法及說者聽衆難得故如是則生灰非有邊
非無邊其念處緣念處觀十二因緣類前可知問宿

世自然能悟何須佛說答聞說疾得不說未悟譬如
果熟雖自應落急搖卽墮問支佛何不制果答聲聞
鈍故制果支佛利久習智慧不須制果譬如二人共
行身羸須止息處身強者直到故不制果復次總相
斷結智慧羸故但除正使名聲聞若別相智慧細侵
習氣名支佛復次聲聞鈍先觀苦諦緣覺利故先觀
集問聲聞亦別相爲羸總相故爲勝今那得總相故
爲羸別相爲勝答若前四諦中明別相是羸今歷別
十二因緣故別爲勝也復次聲聞禪定力淺天眼但
見小千支佛久植定力深天眼過三千見他方世界

問支佛乘何故無方便道答支佛根利未值佛已悟
道何須前方便入道耶問支佛自悟得道共戒夏須
受戒不答若發無作未必夏受若爾小羅漢沙彌應
不受戒耶答受者和僧耳今三藏有門緣覺觀十二
緣破屬愛見觀門不具足說之若行者自善思之餘
三門例可見三明菩薩異凡聖異聖則四弘誓願異
凡行六度行也二乘斷煩惱證真菩薩不斷惑不入
真故異聖人也凡夫任煩惱流菩薩降煩惱伏生灰
作佛事故與凡夫異也於檀中修性念處觀不與二
乘斷煩惱證真同亦不與凡夫隨生灰流轉同伏煩

惱住下忍中修檀學一切世智調熟衆生若人爲貪
應墮地獄菩薩於念處行檀破貪殺令脫地獄苦若
衆生破戒應墮地獄菩薩修尸令脫地獄若衆生多
瞋應墮地獄菩薩修羸破之令脫地獄若衆生多怠
應墮地獄菩薩行毗離耶破之令脫地獄若衆生亂
想應墮地獄菩薩修禪破之自行教他讚歎行者行
法等上四下一皆如是菩薩修念處觀乃至行般若
波羅蜜破一切衆生愛煩惱貪著果報作二十五有
業受生灰苦果菩薩修三種念處破六殺屬愛二十
五有因卽是拔苦令修三種念處卽是道是名與樂

修性念處成四波羅蜜修其念處成禪波羅蜜修緣
念處成般若波羅蜜前四度修性力弱不成更修其
念處成破愛也又修性念處故爲成大悲拔苦修其
念處爲成大慈與樂修緣念處爲雙成兩誓願也第
二破屬見煩惱若衆生謂此貪心有無乃至非有非
無菩薩爾時修念處行檀破有見中三假無見中三
假乃至非有非無中三假自他共無因四十八句若
有衆生謂此破戒心有無乃至非有非無菩薩修性
念處行尸破有見乃至非有非無見中三假衆生謂
此瞋心有無乃至非有非無菩薩修性念處行忍破

撰述
四念處一
二四
六
之若衆生謂懈怠心有無乃至非有非無菩薩行進破之若衆生謂亂心有無乃至非有非無菩薩修禪破之有無三假乃至非有非無四十八句破之若謂癡心有無乃至非有非無行般若破之從有無乃至四十八句破之無生淳熟然後三十四心斷結成道轉三藏法輪入涅槃此應四門毗曇是有門成論是空門毘勒是亦有亦無門那陀迦梅延是非有非無門二門不度大論標名指之俱舍論破拔和弗多羅部中明非空非有正解此義大論引毗婆沙菩薩品行因證果成論無文若論師破數人見有不得道言

見空得道若作此語互是非通論兩見見有只是常見見無只是斷見斷常二見豈不相破故龍樹云若不得般若方便入毗曇墮有中若入無墮空中皆不得道若不用四悉檀對緣不同或用世界入理故云見有得道也大論云色若麤若細總而觀之無常無我卽發真得生空有門入道也麤是事觀細是理觀但得生不得法者如經云當起法想但有五陰空法用爲人悉檀破有顯空菩薩隨根機有益者宜聞有門得道今宜聞空門入道是故破有明空故兩菩薩作二論伸三藏中空有二門前後雖異得道是同

30 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

故云斷見之人說一念斷常見之人說異念斷斷結
 雖異得道是一二假入生空五陰空是平等空爲二
 聖行生空是假名空法空是實法空是老成誰老成
 二俱邪見是聲聞經中說生法二空相是老成生空
 誰老成是法空是三藏中辯四緣三假入空而有門
 終是鈍只得生空於拙度中空門是利故得法空其
 念處緣念處亦如是示知大意細作可解但無菩薩
 義唯明二十七賢聖位若作四句此是一周說法於
 三藏教中四門修生滅四聖諦四念處竟問何不先
 說大乘四念處答經中具二義日照高山則先大若

初至鹿苑則先小今先說小其意有十一爲用故如
 淨名爲國王長者說無常苦空等云云二爲破故無
 咄寧得運槌如淨名破十弟子云云三爲攝故如淨
 名室內說身有苦而不樂於涅槃云云四爲會故如
 小品會宗明諸法皆是摩訶衍云云五爲開故如法
 華決了聲聞法是諸經之王大經云爲諸聲聞開發
 慧眼云云六爲學者識外邪內曲不爲邪曲所誤云云
 七爲聲聞人破曲知其失佛方便聞末世僻說知
 其壞亂半滿如有人言毗曇見有得道成論見空得
 道道非有空見有空那得道若從此師之說佛小乘

教有無二門便是無用若無用者中論那云欲聞聲
聞法中入第一義如後兩品說箇師翳佛四枯之教
今爲申之二六云八末世禪人內證空解同未括尼捷
破戒行惡食糞裸形謂是大乘同戒取尼捷壞亂佛
法方便道今雙申之九爲學者令識內外孟浪之說
孟浪之行精明榮枯法門云云十爲令學者內證之
時懸別邪曲門戶小大碩異取捨得宜不謬持瓦礫
謂琉璃珠爲此十意須說四枯觀也私記者襟錄聲
聞念處苦諦爲首緣覺集諦爲首菩薩道諦爲首通
菩薩滅諦爲首別菩薩界外道諦爲首圓菩薩界外

滅諦爲首又聲聞總相觀緣覺別相觀菩薩總別雙
觀通別界內外次第觀圓界內外圓觀又聲聞因成
假觀爲首緣覺相續假爲首菩薩相待假爲首問道
品六度何者爲正答大經云一地至十地名智慧莊
嚴六度波羅蜜名福德莊嚴法華明五品一念隨喜
爲正兼行六度爲助道淨名道品善知識六度爲等
侶凡三經皆以六度爲助道大論云三十七品爲正
道三解脫助開門乃至不淨助破貪勝處助緣中不
自在十一切處助緣中不廣普無量心助福德並助
開門法問道品是有漏是無漏答大論對位各有差

301 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

四念處卷第一

二八

法七

降或有漏無漏云云成論明念處不退數人明暖法
 退為闡提頂退為五逆成論明念處伏惑成假名空
 數人但是聞慧今明若通說從初至後皆是道品逐
 勝分品節級受名云云大論云初從師受前用念持
 名念處四種精進名正勤四種定生名如意足五善
 根生名五根五煩惱破名五力分別道用名七覺安
 隱道中行名八正道此乃勝者受名皆通念處位只
 是有漏耳故論云八正道中行初得善有漏五陰名
 為暖法若不許四念處通至八道亦不得八道通四
 念處故婆沙云若八正在七覺前決定是無漏若八

正在七覺後亦有漏亦無漏此通修語耳若八正是
 見道位判在前七覺在後是證道位云云

四念處卷第一

音釋

搗吁為切手 銜銜發絹切 杙五忽切木 塹時闡切 滄時闡切
 指麾也 銜賣也 杙無枝也 塹白土也 滄楚隈
 丁歷切 啞子答切 鷄處脂切 屣鋤山鋤 屣楚隈
 與滴同 啞與哂同 鷄與鷄同 屣連二切 屣楚隈
 吳江居士吳承烈施贊刻此
 四念處第一卷 嘉禾沙彌道梅對 南昌艾允
 疇書 豫章傅汝允刻
 萬曆辛卯孟秋清涼山妙德禪院識

支那

四念處卷一

二八

法七

四念處卷第二

隋天台山修禪寺智者大師說

門人章安灌頂記

分章為三大意停心念處大意者前性共緣只見生滅之理發真斷結乃至極果猶是四枯拙度今無生四聖諦卽事而真麤細等觀皆如幻化四榮巧度大經云聲聞有苦有苦諦菩薩解苦無苦而有真諦大品云欲得聲聞欲得緣覺欲得菩薩皆當學般若故名通教四念處也通義有八謂理教智斷行位因果理通者同緣卽色是空故教通者同稟無生之說故

智通者諸法不生般若生故斷通者須陀洹若斷同
是無生法忍故行通者同乘摩訶衍乘故位通者同
是乾慧地乃至佛地故因通者同學般若波羅蜜故
果通者同到薩婆若故三人八義不殊故名通也復
次通有三義一因果皆通二因通果不通三通別通
圓因果俱通者如上八通說近通偏真四枯拙度因
通果不通者乃是別果來接通因得見佛性成四榮
雙樹通別通圓者別圓因果皆與通異藉通開導得
入別圓因成非枯非榮雙樹之果也若通因果正是
小大半滿分門亦是析體拙巧聲聞藏菩薩藏半鹿

異路何者三藏未斷惑猶是凡夫住下忍位伏見思
惑以誓願乘五通住生灰化衆生二乘斷正使拙度
保涅槃不能前進故從此分門若三人同以無言說
道斷煩惱者是滿字摩訶衍門多所含容卽開爲三
一通二別三圓體諸法如幻化不生不滅不斷而斷
三人通位從乾慧性地爲伏道見地至七地斷正盡
緣覺根利能侵習位齊八地若菩薩斷正盡留習扶
誓受生灰化衆生八地九地斷塵沙無知學道種智
此卽通教通三乘人意也若通別者初因通門得入
十住斷界內惑盡十行斷界外塵沙學道種智十迴

向學中道十地破無明見佛性是爲通於別意也通
圓意者初因通門入十信斷界內惑任運自盡登住
見佛性斷無明十行十迴向並斷別惑此通圓意也
故知大乘斷伏永異小乘如習應中有菩薩從初發
心與薩婆若相應是聲聞一切智通通教意若菩薩
從初發心遊戲神通淨佛國土成就衆生者通別意
也若從初發心卽坐道場轉法輪度衆生是菩薩爲
如佛通圓意故大論舉三人論謂步馬神通馬雖勝
步不及神通一念卽至譬圓教力大不妨餘也又大
論明燈炷云乾慧爲初炎佛地爲後炎此卽通家名

乾慧非斷道而爲初炎者乃是論主申含容引外人
作此解乃以相似燈炷爲初炎耳若言二地是菩薩
斷道者此取性地爲斷道至六地與羅漢齊或取八
人地是斷道此以三地爲斷道七地齊羅漢而今不
取二地三地乃取乾慧者故知是通三人之初以似
道爲初炎耳復有人言歡喜爲初炎佛地爲後炎此
約別教斷道爲初炎別家初地見常住理斷無明見
中道故名歡喜是初炎復有人言初住爲初炎佛地
爲後炎是圓教意初住見中性圓斷一品無明故初
住爲初炎此是通教通別通圓之義通教四門者大

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

四分卷之二

三

法

論云一切實一切不實一切亦實亦不實一切非實
非不實爲向道人說聞卽得悟皆名第一義悉檀云

云中論觀法品又作四句證諸法實相三人共得卽

其例也若幻化有門則通五人四門門門有五人是
則二十人三藏雖四多用有門通多用空門別多用
亦空亦有門圓多用非空非有門天親雖說別圓多
明別階級龍樹雖明幻化影像十論論之有不離無
無不失有非有非無不思議之理教也問若爾三藏
亦有三人同入何不名通通亦有三人之殊何不名
別答三藏三人一人不入故不名通通雖三人而皆

入但空不得稱別云云問通是滿字門而稱通者何

故停灰斷耶答譬如朱雀臺門雖通貴庾有停私室
者有至府省者有見天顏者如前所釋通通通別通

圓此義可知又譬如因心有眠有夢夢論於空眠論

於假心論於中聲聞觀四諦無生如幻如化以入空

緣覺觀十二緣無生如幻化以入空菩薩觀六度無

生如幻化以入空不淡見假中故同住灰斷若能尋

夢得眠尋眠得心非但見空亦見不空亦見非空非

不空釋大意竟二五停心者名數同前云何有異魚
目明珠質同理別曲直體析巧拙料簡已如前大經

支那

四分卷之二

四

法

撰述
明果報五陰已受想行識亦是一法凡夫爲苦爲惱
二乘緣不淨無常出生歿菩薩觀陰卽是於真夏無
別理如薄福者覩金成蛇爲之所害福人見寶得而
用之苦諦旣然三諦亦爾衆生不知沒在苦造二
十五有輪環宛轉無解脫期菩薩爲此而起大悲發
弘誓願拔苦與樂雖發誓願所度如度虛空雖誓斷
如空共闕雖安如空種樹雖滅實無得度觀一切無
所有無所有故空空故不生不生故不滅畢竟清淨
行者雖作此觀其心浮逸如犬逐塊若欲攝散睡眠
昏熟如鼉得暖當知不修停心心不得住雖作此解

是直作善如有眼無足不得入池若善用四悉檀修
五停心者卽得住觀如密室無風照物得了當知阿
那波那三世佛入道初門又云亦爲甘露門光明云
卽開甘露門入處食等云云旣信解已當修五停謂
阿那波那等云云覺觀多者當觀入息不生出息不
滅不生不滅息卽是空無能觀所觀皆不可得不可
得卽真真卽心停也多貪欲者當觀貪欲非垢無貪
欲非淨非垢故不生非淨故不滅不生不滅故卽空
空卽真真故心停多瞋恚者當觀於慈慈恚卽不生
亦不滅不生不滅卽是空空卽真真故心停又觀罵

撰述
四卷及之二
法
者是誰誰受罵者何等是罵罵者與諸佛等受罵者
與畢竟空等罵法與薩婆若等打者受打者打法亦
如是一一音聲不能見罵衆多音聲亦不能罵唯當
自責過去煩惱多今世瞋恚盛若不能忍心則螫毒
生灰無畔應當息之令停也著我多者當觀其身如
屠牛四分但見四六六種五陰十二入十八界何處
有我卽破我見五愚癡者對因緣觀三世因緣破斷
常二世破果報我一世破性我善用五法治心心則
安住得觀無生無生現前卽破煩惱有直有善名爲
初賢大論云觀行是智慧性何故言三昧答若不定

心中修此是顛倒智慧如前說狂愚之人豈是賢聖
善直之意也作是修時種種諸境發一陰界入境乃
至菩薩境善當識別去取得宜無生正觀破之一一
皆是摩訶衍故乃至二十種壞禪覺十種成禪覺皆
須識知故大經云迦羅迦果有九分鎮頭迦果纔有
一分城中人不識食之卽灰行者若明十法卽鎮頭
迦十法者一善識無生正因緣境如空無相無方維
上下心性亦爾二真正發心三止觀修習四破愛見
諸法徧五善識通塞愛見中苦集爲塞滅道爲通六
用三十七品調適七修助道開三脫門八善識次位

九安忍十順道法愛不生此十法成乘即入菩薩位
得三乘道二五二六問何等煩惱障定慧答有人言愛生

煩惱障慧散動無知障定復有人言百人煩惱障定

性得繩障慧今不爾但隨偏多為障也問通家若為

明六即答無生理即幻化名字即乾慧地觀行即性

地相似即八人已上為分真即佛地為究竟即二五二六

三明四念處者念是無生觀慧處是所觀境先明屬

愛煩惱者小品云即色是空非色滅空色性自空空

即是色色即是空觀空無色觀色無空能觀智境並

不生不滅智即是境境即是智非智滅境智性自境

即生無生故名無生非謂無有生名無生觀內身外

身內外身一切色法若麤若細皆如幻化即是約身

修性念處受心法皆是苦性苦性即空皆如幻化若

作共念處者亦當念空法修心觀不淨背捨勝處一

切處皆即空是為共意緣念處者緣佛無生方等十

二部經乃至知眾生根性即空二五二六云何修身性念

處色若麤若細總而觀之如夢如幻響化此色緣不

淨如我此身歌羅邏時父母二滴為緣業煩惱為因

因緣和合生此報身九孔常流膿囊涕唾三十六物

性相種子究竟不淨貪愛計淨是顛倒見若見不淨

卽破淨倒中論劫初穀子不生世間現見故劫初穀
不滅世間現見故因緣合集名爲生因緣散名爲滅
散故不常集故不斷是名世間不常不斷此文正表
內種子十二因緣和合不生不滅也問若種子生卽
從自生若從遺體生卽是他性生自種子遺體合卽
是共生若非種非遺卽無因生若從種子生何用遺
體若從和合復屬何緣若無父母之他云何得種子
之自無自故從誰生汝種子能自生未有父母之他
無種子之自若已有種子之自卽不從他也問汝過
去業與六識心俱不若其事滅業附心識來於現在

難六識生滅業亦生滅不爲自生若滅不應附心來
若不依阿梨耶識義不成也若從父母生是從他生
汝自性尚不能生云何從他生難猶有自性故卽有
他性能生若無自性父母爲誰作他若自他共能生
者汝於自他若能生共可能生俱旣不能和合亦不
生若能生卽有兩過自旣不生他亦不生卽兩不能
生兩法相助成生爲是自爲是他如兩砂無油合亦
無油若自他不能生合時亦不能若合能生者竝亦
應兩砂無油合時應有油若兩合無油當知自他本
不能生合亦不能生如一盲不見二盲亦不見若謂

非種子非父母生從無因生難無因得果果復應無如無泥而能生餅者亦應從木生等是無因故從因緣生尚不可況無因耶是則因果倒亂罪人獲福云壞世間法若無世諦卽無出世是大邪見人若四句責生不可得是則無生無生而生是名假生假生非生但有名字是字不生亦不生是字無所有故自他共無因畢竟不見身生處不可得若無生處亦無滅處生滅不生滅非生滅非不生滅清淨平等正觀觀身細色如隣處塵卽有十方分若有十方分卽具四微所成色香味觸色爲自香味爲他卽因成假

義若從色生卽是自性若從香味生卽是從他性生合是共生離色離香味是無因生四句檢之生不可得是故說無生無生而說生是名假生是名細色無生如論云若有極微色是則四微所成又云若有極微色卽有十方分則不名極微四微成色此卽因成假觀此假因成如夢幻細色麤色無生是苦聖諦思益云菩薩知苦無生名苦聖諦此色身四句因成中檢無生名身念處問此色爲從滅生爲從不滅生爲從滅不滅生離滅不滅生若從不滅生是自生若從滅生則從他生若從滅不滅生是共生離生則無因

生論云不自不他不共不無因四句生皆不可得是故說無生無生而說生是名假生色不淨破淨倒又問此色爲待色待無色乃至共離皆不可得是則無生無生而說生是則假生是皆不淨破淨倒是性身念處以智慧性觀屬愛身色生相得慧解脫須陀洹乃至慧解脫阿羅漢若作是觀時未能得道於中生著是愚癡法名無染若染於法乃至涅槃是則染著隨情三種念處如前三藏中說若隨理三種念處卽如通中說隨情是事相隨理是無生念處乃至心法亦如是共念處者行人觀念處修八背捨事中諸禪

乃至熏修等如明眼開倉見穀粟種種不淨不同大論明骨想卽解十力四無所畏十八不共法等乃至燒想諸論師疑文誤何意從骨想卽解十力無所畏耶今師云人不得論意此中爲修共念處又不壞骨人成俱解脫三明六通八解悉皆具足受心法亦如是爲成摩訶衍故非論誤也緣念處者緣佛十二部經四辯說法悉皆無礙教化衆生心緣普徧也四念處四種精進名四正勤四種定名四如意足五善生名爲根破煩惱名爲力分別道用名七覺安隱道中行名八正道次破屬見煩惱觀身如幻化非垢非淨

若起見謂淨不淨亦淨亦不淨非淨非不淨是事實
餘妄語是見皆依色若謂此淨等過去如去不如去
亦如去亦不如去非如去非不如去未來有邊無邊
亦有邊亦無邊非有邊非無邊卽陰離陰十四難約
三世五陰六十二身見是汙穢無記五陰卽具三假
淨法塵對意根生意識者爲意生爲塵生爲合生爲
離生若意生是自生乃至離生是無因卽破因成假
若意根滅生不滅生亦滅亦不滅生非滅非不滅生
皆墮四句則破相續假若待無有識生若待有有識
生若待亦有亦無識生若待非有非無而識生皆墮

四句則破相待假所破能破例十二是破有見中十
四難六十二見不淨無見中亦三假十二句能破亦
例十二句亦淨亦不淨亦有亦無見三假十二句破
能觀亦十二句例破非淨非不淨非有非無見亦十
二句破能觀亦十二句破用性念處觀之破身念處
九十六句破生見不可得成無生身性念處次觀受
念處破生見經云受受受不受受亦受亦不受受非
受非不受又云行亦不受云何受受不行亦不受云
何受不受行不行亦不受云何受亦受亦不受非行
非不行亦不受云何受非受非不受受受故是有見

是見依受起受不受故是無見是見依受起受亦受
亦不受故是亦有亦無見是見依受起受非受非不
受故是非有非無見是見依受起是事實餘妄語過
去如去不如去乃至非如去非不如去未來有邊無
邊乃至非有邊非無邊卽陰離陰爲十四難約三世
有六十卽陰離陰合成六十二有見中三假能所二
十四破生見無見中三假能所亦二十四無生見亦
有亦無見中三假能所二十四句亦生亦無生非有
非無見中三假能所二十四句破非生非無生合成
九十六句破生見成無生受性四念處次觀心性四

念處觀心常無常乃至非常非無常是見依識起過
去如去乃至非如去非不如去未來有邊無邊乃至
非有邊非無邊卽離爲十四難約三世爲六十卽離
爲六十二見常見中三假能所二十四句無常見中
三假二十四句亦常亦無常見中三假能所二十四
句非常非無常見中三假能所二十四句九十六句
破生見成無生也法性四念處觀有我無我亦有我
亦無我非有我非無我是見皆依法起過去四見未
來四見卽離爲上四難約三世五陰爲六十二有見
中三假能所破有二十四句破後例爾九十六句破

我見是名四念處乃至八正道是破屬見中三十七品故經言我斷一切諸見纏等以智慧刀割斷破裂也若共念處觀九想八背等一切禪亦名得解觀非實觀也三十七品例前受心法亦如是緣念處觀見中有一切佛法無生四諦教理名字句義通達無壅隨衆生根性樂欲便宜對治第一義而爲說法是爲破屬見煩惱中修三種別相四念處觀問何意通教明非苦非樂是三十七品例前受心法亦如是苦果非苦非樂應是樂答此作四句若通論非苦非樂此意通四句不可說有因緣故說非苦非樂結成生滅

苦樂是三藏意若非苦非樂結成無苦無樂之苦樂屬通教攝也淨名云迦耨延五義五受陰通達空無所起是苦義結受念處如大品不淨觀卽是摩訶衍皆不可得故以是不淨心觀色自念我身未脫是法未免三界生猶應受百千生歿故言未脫引廣乘品成身念處觀諸法不生不滅是無常義結成心念處觀於我無我而二是不無我義結成法念處觀若作非常非無常成常非垢非淨結成淨非苦非樂結成樂非我非無我結成我卽成別教義常樂我淨斷惑歷別來證也若作非垢非淨雙照垢淨非苦非樂雙

照苦樂非常非無常雙照常無常非我非無我雙照
我無我結成圓教圓心修習不斷煩惱而入涅槃也
於乾慧地中修總相三種四念處如前三藏中分別
但有如幻如化體法卽空之異耳是爲無生總相四
念處但是總相念處修身卽空陰入界一切法亦如
是是名身念處受心法亦如是觀此位是總相念處
修四正勤如意根力覺道三十七品共緣念處亦如
是雖未發暖相似無漏法水而總相觀五陰智慧深
利勝別相念處是故名總相念處屬乾慧地外凡也
辟支迦羅各目大小如前亦修三種念處十二因緣

過去無明只是不淨煩惱五陰諸行只是善惡五陰
從識乃至受是果報無記五陰愛取煩惱五陰有是
善惡五陰未來生歿是果報無記五陰若麤若細總
而觀之如幻如化是名性念處因緣覺之共緣念處
例前亦有性共緣三種觀三人大小也菩薩發菩提
心慈悲誓願觀此身受心法三種念處修性身時觀
此身色若無生如幻如化能發暖頂等法成五停心
別總四念處名伏忍四善根名柔順忍發真斷結八
人地名無生忍須陀洹名無生法忍果斯陀舍名遊
戲神通阿那含名離欲清淨阿羅漢名已辦地八名

辟支佛地九地名菩薩地十地名佛地性念處觀成
破界內見思通惑得一切智與羅漢齊八地修界內
道種智破界內塵沙無知是共念處九地已上學一
切種智是緣念處十地當知爲如佛佛是通教佛成
就四枯莊嚴雙樹故云四念處坐道場斷通惑正習
蓋見偏真之理於二諦中觀照純熟是名坐道場般
涅槃者卽有餘無餘二種涅槃轉法輪者轉通教無
生偏真之法輪令一切衆生同入偏真法性非中道
不空法性故法華云我等同入法性不見佛性二乘
俱得此理並有坐道場轉法輪而羅漢不斷習氣只

是四枯莊嚴支佛小深侵習亦是四枯菩薩不斷習
以誓願力熏行處處受生調熟衆生學一切智道種
智一切種智是名通教佛只是四枯莊嚴雙樹但三
藏是拙度觀門旣拙解空亦淺如迦梅延五義是通
教體假入空觀門旣深三藏是事觀爲疎通教理觀
爲密三藏附事爲僞通教緣理爲真比至證得真時
無復爲別異也

四念處卷第二

校論

第十五紙

六行附事下
北藏無爲字

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

四念處

三

法

音釋

驪鄰知切馬 鼉唐何切

淡黑色 吳士彥施氏刻此

四念處第二卷 薦先考實西向以吳承燾往生安

養嘉興釋道裕詩 元許一科刻

講齋辛卯孟秋清涼

卷之三 蘇州軍鎮

蘇州軍鎮

蘇州軍鎮

蘇州軍鎮

蘇州軍鎮

蘇州軍鎮

四念處卷第三

隋天台山修禪寺智者大師說

門人章安灌頂記

開章爲三一大意二五停三念處大意者四句雖略
網羅罄盡若絕若說若世出世已如上辯今依不生
生而明別也中論名假名卽此句也別家四門且指
大經云佛性如閻室鉢盆井中七寶有門也衆生佛
性猶如虛空畢竟清淨無門也譬如乳中亦有酪性
亦無酪性亦有亦無門也佛性非空非有第四門也
雖列四門若說若行多用亦有亦無門也問有門可

明佛性空門云何有性復濫通家答別教是不但空
所以得見佛性通家但空局不但空廣廣局云何相
濫衆經諸門列位位數增減華嚴初無十信後無等
覺於十住中多明圓義於登地中多明別義若住若
地皆說界外行位不語界內云云方等前分對緣散
說得道而已未論地位至瓔珞總結階級明五十二
地前後數整界內亦分明諸般若前分亦對緣散說
亦未有階次勝天王但明十地前無三十心後無等
覺新金光明無前無後但明十地仁王般若明五十
一位無等覺推諸經意如軍師蕩寇竟方叙勲勞定

其爵祿所以前散後結問法華是後經那不明位答
前明一部之前後法華是一期之後良以瓔珞結諸
方等仁王結般若竟法華在後不明次位但決了諸
權而入於實涅槃亦不明次位同開佛性入秘密藏
但地義淡微非聖證不了凡下莫知對緣增減隨機
廣略出沒宜爾但順佛語依修多羅不得執此訶彼
各興諍競非法毀人誣佛謗典云云南岳師釋大品
三處明位初四十二字門初阿後茶皆具一切法判
屬圓教四十二位也次明初地修治地業乃至第十
修治地業判屬別教位後明乾慧地乃至佛地判屬

通教位此深得經意文義朗然然佛一期諸大經門
門不同位位數異行人採用各異若論數整須依瓔
珞若扶三觀次第須依大品若凡夫得預須依涅槃
數整可解扶三觀者欲以道慧具足道種慧當學般
若欲以道種慧具足一切智當學般若欲以一切智
具足一切種智當學般若欲以一切種智斷煩惱及
習當學般若初五方便伏見思從假入空觀十住是
道慧斷見思從空入假學道種慧斷塵沙若從假入
空破偏假從空入假破偏空至十迴向中學不假不
空一切智伏無明登地得一切種智若至等覺一時

斷煩惱及習若不明等覺只十地斷煩惱習也是以
三觀相扶云云若瓔珞明十信十住爲習種性十行
爲道種性十迴向爲性種性十地聖種性等覺性妙
覺性略則七位廣說五十二位也依涅槃五行十功
五味半滿次第相扶始自凡夫得預修學具有別圓
界內界外四四諦意菩薩住堪忍地鐵輪位中修生
滅四諦十住中修無生四諦十行中修無量四諦十
迴向中修相似無作四諦登地見中得一切種智五
行十功問藏通云何得入涅槃中修學耶答涅槃扶
律而說故名贖命若別圓有法身慧命何須贖命贖

命意在藏通仄斷之命令得法身常住也問三藏生滅慧云何贖成常住慧答今涅槃引藏通中昔日仄斷不明佛性今俱引見佛性當知三慧被決不同先曰若論戒則五支諸戒小乘所無也若論定從八背捨十信中伏通惑住堪忍地教化衆生豈同二乘問何以得知答一以義推可見二以聲聞相異問別教登地猶用界內通名名四依義何意不用界內方便耶答卽得用旣以通名名斷道何意不得用方便伏道暖等位耶又復佛法名教通用小乘名教在方便中尚用大乘方便道見諦斷道何意不用耶所言別

教其義有八謂理教智斷行位因果云云理別者三諦之理理隔不融信而修之從淺至深歷別有異從淺與後別深與前別當體間隔是名理別教別者佛曰先照菩薩二乘聳瘞豈況凡夫嬰珞仁王地論攝論不明界內故凡聖異聞大論明一與聲聞共說二不共說不共說卽教別也大經五行不融小品三慧屬三人釋論釋之實是一法爲向人說令易解故三慧爲三如一時說三相此卽教別也智別者圓意難顯要假方便然後可見如因作入無作因無常以入常外人難因無常果云何常佛答汝因是常而果無

常何故不聽我法中因無常而果是常云云別菩薩
欲學常住佛性先修無量四聖諦後觀諸法實相中
道佛性不生不滅不垢不淨次第修三眼三智是名智別
恒沙佛法後開如來藏次第修三眼三智是名智別
斷惑別者如無量義云衆生欲性無量欲性無量說
法無量說法無量故藥病無量藥病無量故通塞無
量分別校計生滅無生滅無量無作苦集滅道皆無
量覆如來藏藏闇故造作二十五有業受諸生歎
此長夜發菩提心興四弘誓自脫無量繫縛亦脫衆
生無量繫縛是名斷惑別行位因果等別可知也問

無作既勝何不緣無作發菩提心答別家以無作是
果果不通因故非發心正意意者緣無量發心至果
方成無作耳問若爾初地已得無作何意不緣發心
耶答初地分得妙覺時乃究竟例如三藏初生滅果
方無生通則不爾發心即觀無生別人初緣無量後
乃無作圓人發心初則無作大意竟云云二停心者
前三藏數息不淨等停心疎遠事僞通以觀息不生
不滅停心即事而理近密真今別教以持戒之根本
若我住世無異此也即佛依此而住即僧雖爾望於
三藏是密是真望於實相非近非密非真非理與前

別後別居季孟之間此義可知二六二五大經云菩薩作是思惟出家閒曠猶若虛空一切善法因之增長在家逼迫猶如牢獄一切惡法因之而生往詣僧坊聞佛有無上道無上正法大衆正行卽求出家佛是非果之果人也無上道是慧聖行正法是定聖行大衆是戒聖行此是非因之因也菩薩受持時如乘浮囊度於大海爾時愛見羅刹來乞浮囊若全若半若手若指若塵令汝安隱得人涅槃謂稱情暢樂名涅槃鈍使造惡多墮三塗利使執見破戒亦墮三塗或執見修善多牽天上久後還墮若不隨愛見能生五支

諸戒一根本業清淨戒謂四重也二前後眷屬餘清淨戒前後是方便偷蘭遮等餘是諸四篇等也非諸惡覺覺清淨戒定共戒也護持正念念清淨戒道共戒也迴向菩提大乘戒也後有九種與釋論十種相似一清淨戒謂受得清淨也二善法戒謂動不動皆毗尼也若護持不犯生止行兩善謂法也三不缺戒謂五篇不破也四不析戒析假入空體假入空皆道共戒也五大乘戒卽菩薩初心經云汝等但發菩提心則出家禁戒具足也六不退戒卽十住不退也七隨順戒對十行隨道戒也八究竟戒九迴向戒斷

界內正習也十具足諸波羅蜜戒者登初地乃至等覺也於一戒中具足爾許法門卽是別家停心如前數息身命之要今戒爲法本道之根源故以戒爲停心也菩薩雖信佛法常住之理內解分明猶自覺觀不住是直而非善爾時更學定聖行停心卽其念處也依經卽是隨息停心此知阿那出息入息繩長知長繩短知短元治覺觀發根本淨特勝通明等淨如開倉見穀粟經云復有梵行謂見身中三十六物是修念處實觀也次不淨觀治貪欲經云復有聖行謂除却皮肉諦觀白骨一一節間有我非耶作此觀時

卽見骨中青黃赤鴿色是背捨欲界定相四色轉明心與色青合故一切皆青餘亦爾是未到地相爾時不壞內色不壞外色內外俱不減色相以是不淨心觀內外色卽見額上骨中八色光明煜煜而出照天下卽初禪覺支相聲聞但有光不見佛菩薩多修念佛見佛或爲說法卽初背捨初禪攝內無色相以是不淨心觀外色者內滅却骨人以不淨心觀外色外色有二一身外之色卽是灰炭等二骨人所放八色光明是界外之色所以須觀者去欲界近用以防過故界內色外色皆不淨故言以不淨心觀外色若作

修家方便自有觀法滅却骨人今但言證法見骨人自然消磨不見但有八色及外不淨故言內無色外觀色此骨人滅時卽有未到地相亦是初禪謝二禪內淨起時八色一陪更明青黃赤鴿非復前比亦有內淨喜樂一心四支不同根本特勝通明中是爲二背捨二禪攝也云云三淨背捨身作證時是三禪相舊云三禪無勝處四禪無背捨釋論明淨背捨身作證三禪徧身樂得爲證四禪無樂何所爲身作證成論人以三禪共爲一淨背捨今用三四兩禪從容共爲一淨背捨無嫌三禪身證爲淨背初門成就在

第四禪第四禪具足勝處也何故言淨大論云緣淨故淨八色是淨法未被練不得淨今三禪四禪法起來觸此八色爲作淨緣三四禪等此是色界極淨之色用此爲緣故言緣淨觸八色更淨故言緣淨是樂徧身受故知是三禪中淨有四義三如前兩背捨卽是緣淨故淨此意也四空四背捨無色更無別法但以空無相心修若凡人自地地愛染聖人空心智慧利直去不迴故名背捨問舊云此無別法但以無漏修此可然前何意無別法不可指舊禪爲別法不可指邪禪鬼定外道事爲別法云云今次四禪得修

若不得禪作觀不成設修雖不發無漏亦名修背捨
而不名解脫若有宿習發此何嫌但滅受一背捨不
得無漏修則不成故不論發宿習也九次第師子超
越等三藏中無有凡夫修得此定大乘或有云云次
大不淨亦名大背捨良以假想骸力小若假想骸背
大皆由緣處廣狹若觀骨人不淨除却皮肉或觀一
屎一兩城邑聚落等所有正報故言小不淨小背捨
若大不淨結是依報國土錢財穀帛山川林園江河
池沼大地一切色法悉皆不淨蟲膿流出臭腥流潰
山如聚膿河海穢濁衣服如臭屎皮飲食皆蟲汁大

經云觀好美羹作穢汁想飯如蟲聚宅如塚墓大地
無可愛處若幻術誑人今神通得法道理故酥蠟金
鐵遇暖則流遇冷冰結凡夫遇淨緣成淨遇不淨緣
便不淨達此道理得其轉變良以昔曾修得今發宿
習故大地依正悉是不淨初學乍有興廢數習成性
任運不淨譬如鑽火發不擇薪乃至江河乾竭此觀
亦爾初止一屎二屎一兩聚落若成大勢一切依正
無非不淨故言大不淨觀也又福人感色淨又人心
著淨重於穢輕破此大著皆爲不淨不可定執山河
國土而言爲淨如僧護見地獄一百二十五所所見

大地是身爲他所耕叫喚苦惱是名田地獄又見身是樹衆苦競集宛轉呼咤若山若屋衣裳浴室房法事等悉皆受苦何者昔觸境生著起愛今觸境穢惡受苦今爲轉此愛染修大不淨觀破淨顛倒亦名大不淨大背捨若凡夫所修八禪但除下地不能除自地佛弟子所修能除下地亦除自地未是無漏不能除上地若無漏緣通則自地上下皆能除也若內觀骨人外觀色名初背捨初禪攝若內無色外觀色外八色正依皆不淨時名二背捨二禪攝此兩背約依正判大小若三禪入淨背捨則不論何者根本是小

所得不淨成小背捨若根本是大成大背捨乃至四空滅受例如此云云若約兩不淨爲勝處還依依正判大小若約多少好醜成小勝處亦約依正多少好醜成大勝處所以馱背心未能轉變自在勝處更來熟之一處少二處多十少百多一國少大千多衣食多少亦爾初未能多少少習旣成卽能多今發還爾若好若醜者此約兩報爲好醜端陋慧愚富貧貴賤而論好醜好醜皆不淨此亦小不淨耳大則好山惡山好國惡國好醜皆不淨此則大也次依正俱醜骨人所放八色爲好此兩俱不淨者而名好醜此爲勝

處初禪攝若內無色外觀色若多若少若好若醜勝
知勝見二禪攝雖無骨人而外有八色復有依正若
多若少好醜如前云云勝知勝見者了此心於色不
爲色所縛心能轉色故言勝知勝見淨不淨等皆於
已心能得自在觀解成就故言勝知勝見行者如此
觀勝之時豈更貪世已身尚不惜何容貪他上古賢
隱推位讓國還牛洗耳皆昔經成此今於五欲無復
染意若不得此心貪之至死後四勝處在四禪中三
禪味樂多不能轉變於聲聞法如此菩薩豈無勝處
耶大論云青黃赤白瓔珞云地水火風此亦無在四

色是各地水是其體此中但多少轉變無好醜何以
故內外色盡故但八色流光故無好醜四勝處在第四
禪中十一切處亦在四禪中初禪覺觀多二禪喜
動三禪樂動不得廣一切處唯此不動念慧則能一
切處以一青徧十方皆青餘色亦如是若一切入者
將一青色入一黃色徧一切處一黃入青亦徧一切
處而青黃不失餘色相入亦如是爲一切入此是內
心所放八色徧一切處那言取少樹葉爲緣徧一切
處若內心無此力外不能徧不應取外色爲緣也大
論取優鉢羅華者爲人不解借外論內不可以論爲

是亦有此義若通明觀中無骨人不放八色是時修
八解脫借外爲緣可爾今不壞法人有八色自不用
之取外樹葉此不成義今不用云云次明菩薩修緣
念處於依正中轉變自在具諸波羅蜜慳心既破尚
不惜身何得爲身貪求他物是名檀得是觀時終不
爲此依正偷殺妄語危他自安順理行心各尸若彼
觸已終不生瞋發言動身口加報是名忍辱終不倚
此不淨生身懈怠耽著恣情以自穢雜是名精進善
巧方便四隨得所觀調適念慧現前或不淨背捨
勝處神通變化願智熏修結是諸禪於中轉變得成

三昧百千變化一切道一切定皆在此禪而得具足
是名爲禪作此觀時身受心法非因非果非世出世
若苦集滅道悉皆不淨能觀所觀一切諸法皆不可
得無所有故畢竟清淨無一可得不生不滅名般若
波羅蜜是名於勝處中轉變爲一切法門是心定故
隨意自在隨作隨成勝處之觀如好馬能破前陣復
能調制其馬欲去欲住迴轉自在作諸法門亦復如
是不可窮盡是名菩薩於四念處修勝處觀觀中廣
修諸法悉於勝處修習若發宿世善根時亦於勝處
中發是時觀淨無魔入壞此法何以故心得自在無

障礙故作於心師心使於魔魔不能破心也行四三昧人多轉入五種佛子之位或卽入五品弟子之位何故爾竝是助道力大大助開門入清涼池劑此是觀禪發相也若九次第定師子超越等有二位依三藏阿那含人得無漏心地調柔方能修九定凡人修不得大乘人修習者如發心二不別別教菩薩歷別修習但不取證也若案經前有持戒對數息次有不淨觀一一節間求我不得卽對界方便光中見佛卽是念佛停心劑此是性念處對四停心也次修緣念處觀學四無量心修法緣慈定分明開發觀法無我

不可得故是界方便觀四無量心者通論慈悲始終皆有無緣卽以實相爲慈慈卽如來慈卽解脫慈卽法身此乃實相之理無緣之慈不修衆生法緣之慈不修衆生法緣事慈止修無緣大慈事慈自發應須識知所言事慈者卽衆生緣慈發有兩義一發此慈熏定定法轉淡因此慈定卽發根本二者或先得欲界或得未到地或得根本於根本中有慈亦言發此慈一切衆生得樂之相無怨無惱歡喜稱心適意或得人中樂或得天中樂若修得慈定分明想其得樂無一衆生而不得樂此名慈心定但此定緣衆生有

三種若緣親人得樂名爲廣緣中人得樂名爲大緣
怨人得樂與親人等名無量又緣一方衆生得樂名
爲廣緣四維名爲大緣十方名無量此定有兩一隱
沒二不隱沒若緣衆生得樂心中明淨決定所緣之
處實不見此衆生得受於樂但想而已是爲內不隱
沒而外隱沒自有內心明淨作得樂想而外所緣十
方衆生分明見其得樂或得人中或得天中其相分
明是各內外不隱沒若慈定中見二種人得此樂相
後始復發根本五支五支功德倍勝根本如砂糖石
蜜和水豈方單冷悲喜捨附定起亦如是菩薩修此

禪定內思力強故住堪忍地在十信位中靡所不作
故迦葉問菩薩有緣得破戒不答有緣亦得如仙豫
殺五百施甘露鼓十劫之壽乃至爲衆生地獄五云
次性共念處合修生滅四諦調心探觀無生四諦助
伏見惑至斷見時還用無生四諦斷故大經云苦是
逼迫相集是能生相滅是寂滅相道是大乘相如三
藏中要須禪助伏見惑暖法方得發今亦如此菩薩
知此惑障深重不可卽斷借生滅方便發十住暖法
也問十住十信中退不答經明六心退七心不退問
別教只用此戒與聲聞異不答雖同而異菩薩戒具

撰述
四念處三
十四
足五支及究竟諸波羅蜜二乘不能究竟或身智俱
入無餘灰斷問禪復若爲答聲聞法中斷欲界方
得修初禪菩薩不爾於十信修其念處觀學背捨安
忍成就爲衆生修一切護持正法畏於二乘道如惜
命者二乘豈能如此菩薩修十信初心卽具十行經
云十法爲道一信有十信有百乃至十地只是十
法但一受不失勝者受各耳四念處亦如此只是觀
解轉溪各轉勝卽是別家乾慧地初賢位問此十信
與圓十信云何答圓伏無明見思自盡六根清淨皆
能互用故言若干種一時皆悉知身如淨明鏡能現

言已後唯獨日月了餘人所不見問別與通十觀者
爲答通用十法傳傳簡別若三藏十法止破外道成
三乘人外人不知暖法人所行處況有十法通教十
法異三藏三藏後心亦不知通家初心通家初心亦
不知別教初心況後心耶別教十法異者一善識正
因緣無明佛性之境通教但識無生真諦幻化境界
二真正發真正無量四聖諦心求常住佛果能度法
界衆生通家只發心緣無生四真令得有餘涅槃度
界內衆生三止觀調適者止成一切禪觀成一切種
智通家但通三乘共止觀願智頂禪耳四破法徧者

破界內界外法次第徧通家止破界內二諦徧耳五
善識通塞者如來藏顯爲通取相塵沙遮障爲塞通
家只約四諦見愛中論通塞耳六三十七道品調適
者大經云修無量三十七品是大涅槃因通家但是
徧真小涅槃因耳七善修助道者修十波羅蜜一切
萬行恒沙佛法開三脫門通家但開四諦助三脫門
耳八善識五十二地七位廣略皆知通家只三乘共
十位耳九安忍強軟兩賊者忍法界衆生二十五有
有空強軟通家只忍愛見爲強軟耳十順道法愛不
二才於大涅槃不生貪著況小涅槃通家守臬愛小

涅槃是生灰會著故如此分別十法大異又具十番
觀門入十信成堪忍地上菩薩位亦可以十法對十
信菩薩修三種念處發諸境界種種諸法或真或僞
或益或損不出於十者謂陰界入煩惱病患業相
魔禪見慢二乘菩薩等今不委釋如彼具明若不頂
墮得入初賢位問別教六卽如何答中道佛性爲理
卽解五十二地文義通暢無礙名字卽十信爲觀行
卽三十心爲相似卽登地至等覺爲分真卽妙覺爲
究竟卽也第三念處觀者遠緣如來藏理其理難明
而假方便真實得開至如三藏通教用世間方法世

間行人五種七種以爲方便別教以出世方法出世
行人三十心等以爲方便譬如鑽火暖在前出亦如
入海先見平相法華以無漏爲涅槃相當知析假是
三藏方便體假是無生方便析體無量是別方便方
便性念處顯真實性念處方便共念處顯真實共念
處方便緣念處顯真實緣念處生滅無生滅無量皆
是別家方便方便若成可稱火相平相方便不成無
暖無平大海難得其觀云何初以五停心遮煩惱風
善直成就慧燈照了陰身不淨五種穢惡受有百八
悉皆是苦介爾違順念念無常善中無我惡中亦無

我非善非惡何處有我別相總相循環宛轉寂入涅
槃此觀成時開五停成十信亦名外凡亦名乾慧地
亦名善有漏五陰能伏界內淨等四顛倒帖然不動
聲聞厭苦欲速涅槃菩薩不爾捨生滅四諦觀正修
無生四諦觀觀苦本不生不生故不滅不生故不有
不滅故不無不常不斷畢竟清淨淨若虛空尚無有
苦云何顛倒受想行識亦復如是是觀成時進入十
住入理解心名爲內凡亦名暖法亦名亦有漏亦無
漏約界內名亦無漏約界外名亦有漏故名似解十
行十迴向似解亦漏無漏登地乃名無漏正用無生

四諦慧斷界內見思故大經云菩薩解苦無苦而有
於真三諦亦如是故云入理般若名爲住有二種般
若若發中道是圓般若若發空是偏般若於界內爲
真於界外爲假亦各一品相似中道論其所斷斷界
內通惑盡與通七地齊亦得界外相似慧眼故須菩
提云我從昔來所得慧眼未曾得聞如是經典卽此
義也又斷界外上品塵沙又伏無明猶是暖法內凡
也地人以五佛子謂四果支佛開五爲十對十住今
不爾大論云先於五佛子果人中歎今何故獨歎菩
薩答聲聞諸菩薩未得果大乘菩薩得果故獨歎菩

薩今不用前五佛子對十住若欲作者取法華五品
弟子開五品爲十對十信故仁王云十善菩薩發大
心長別三界苦輪海十善卽十信十信尚斷惑況十
住耶云云若欲前進應捨無生四諦正修無量四諦
無明與法性合起無量取相感無量生歟無量塵沙
招無量果報無量無明受無量報身則有色受想行
識皆是苦諦無量受陰所有煩惱皆是集諦無量能
觀之智皆是道諦無量集盡苦除皆是滅諦如是無
量根性無量藥無量授藥法無量方便菩薩爲此而
起大悲發四弘誓未度界內外五陰乃至餘有一生

在者皆令得度未解通別見思四諦塵沙無明者皆
令得解未安偏道者並令得安未入小涅槃者皆令
得入常樂我淨四德具足修是觀時進入十行從理
進趣方修一切衆行故名爲行亦名登頂斷界外中
品塵沙得界外相似法眼見恒沙佛法相似如來藏
云云
若進入十迴向者應捨無量四諦正觀無作四
諦云何觀初從有門觀佛性但無明重故不見大品
云諸法如是有如是無所以是事不知名曰無明無
明覆心不見佛性四門俱塞巧用四隨四門俱開門
雖有四只是不二法門也觀此無明爲從無明生爲

從法性生璣瑤及地論皆解云從法性生攝論云從
無明生依阿黎耶識起此識是無記如地有金土依
染如土依淨如金故言依他也黎耶識依業生故言
依他也若他依者六識所起善惡業六識謝滅種子
依黎耶攝持得生故各他依彼論偈言此識無始時
一切所依止三藏學士述難小乘人云汝六識中起
善惡業六識謝過善惡亦應隨滅若滅現不得起若
不滅無黎耶何攝持今還難之汝偈道他依汝那
道依黎耶黎耶是無明客法爲他法性是本法爲自
若法性爲自黎耶成他但依他何處有自若他等是

客法喚六識爲他何意不得喚黎耶爲他又難六識
依黎耶六識爲他黎耶依法性黎耶亦是他云云若
黎耶他是自性自性應是他如此定時隨彼意答若
自若他俱被破耳問一切善惡從無明生法性生無
明法性共生爲離無明法性生法性生是自生無明
生是他性生無明法性合故生是共性生離無明離
法性生者是無因生諸法不自生亦不從他生不共
不無因是故說無生無生說生假生非生但有名字
是字不住亦不住是字無所有故無明爲自法性
爲他者亦作此破云云師云雖四句不立而人多執

其生譬如眠法與眠心合卽生眠眠故有無量夢事
起云云無明與法性合生無量六道事六道事皆從
無量煩惱生又生無量不思議塵沙煩惱起無量界
外事菩薩修四念處尋此無量煩惱無量事相依無
明起若得無明卽得法性得法性故見佛性若通教
只尋六識如幻如化卽空之觀但斷枝條不尋根本
無明不見如來藏以不見故不得無明不得法性不
得無明不得法性故不見佛性如尋夢得眠不得眠
心良由六識中觀淺但是化城止息不能溪觀如來
藏恒沙佛法菩薩溪觀如來藏破無量取相破無量

塵沙破無量無明破無量身相破無量受相無量心
相無量法相識無量病相知無量藥作此觀時卽入
十迴向迴因向果迴事向理迴已濟他故名迴向此
位正是解行終心羸惑已融似中慧淨斷界外下品
塵沙伏無明轉強如向山趣前漸易見相似中道見
恒沙佛法斷恒沙煩惱入相似是自行出界假是化
他地持解自性禪是三十心位未至初地六經明初
依之人具煩惱性能知如來祕密之藏未得第二第
三住處正是三十心位又地持明三十心爲三分一
觀分二止分三二分同類正是地前方便道中修三

種念處觀分是修性念處止分是修共念處二分同
類是修緣念處也相似中道觀於一剎那頃眞解開
發登於初地斷一品無明得一分無作四諦解五行
成就諸功德滿若通對位一一位中各有三種念處
若別對者十住修性念處觀十行修共念處觀十迴
向迴別向圓修緣念處觀至初地三種念處分成就
若對大品欲以道慧當學般若對十住性念處位欲
以道慧具足道種慧對十行共念處位欲以道種慧
具足一切智對十迴向緣念處位欲以一切智具足
一切種智對十地位一住如此若登地中道顯時眞

性法身分成就一切禪一切禪有三一現法樂禪二
出生三昧禪三利益衆生禪登初地時名味皆轉觀
分轉名現法樂禪能生十力種性三摩跋提破無明
法身顯現佛性一法界一切法界一切法界一法界
非一非一切二諦自在能百佛世界作佛諸佛加之
能爲十地菩薩說法菩薩不諦謂是真極法華中佛
加聲聞爲菩薩說法諸佛子等從我聞法佛爲授記
汝於來世當得作佛諸聲聞尚爾況加諸菩薩等色
心神通相好光天動地形聲兩益法眼開朗知衆生
根有機卽應善巧分別猶如虛空不可窮盡聞說法

者皆得道果此是觀分亦是觀身內法性理顯名性
念處力也止分轉名出生三昧禪出生百八三昧普
現色身名三昧王一切三昧悉入其中住首楞嚴修
治於心猶如虛空能一法門一切法門一切法門一
法門非一非一切無礙自在破無明顯真我性十波
羅蜜諸陀羅尼門如來藏海理內之事皆悉明顯若
化衆生假作名字說種種五陰破種種顛倒說種種
法藥破種種病作無量醫王應病與藥令得服行皆
令悟入菩薩正位是名檀波羅蜜以施衆生故經言
有法門名無盡燈卽此意也下九波羅蜜例爾彼解

十波羅蜜對十地初檀滿但是約位耳直於禪中修
具百波羅蜜觀法界神通徧照法界一切衆生衆生
蒙光罪垢煩惱皆悉除滅是名止分亦是其念處力
二二分同類以修緣念處觀得法界緣起以無緣
慈悲修身赴機得如來一身爲無量身無量身爲一
身非一非無量自在能現十法界像處處應現往只
同是一五陰用有強弱界內力弱只見偏真界外力
強能見圓滿今時三種念處具足三德性念處顯爲
法身共念處顯名摩訶般若緣念處顯名解脫所調
伏衆生之處名爲解脫復次亦以性念處爲般若其

念處爲解脫緣念處爲法身法身卽法性見法性卽
見佛性卽得中道得中道卽得菩提得菩提卽住大
涅槃卽得諸佛法界法界卽法身法身徧法界用故
住大涅槃種種示現三種念處各三點不縱不橫爲
大涅槃得色解脫受想行識五種涅槃具二十德名
四念處坐道場轉法輪若圓爲雙樹非偏非圓中間
入涅槃諸行功德莊嚴名常樂我淨是稱歎新醫從
遠方來曉八種術遠方者從法身地起慈悲普願應
衆生衆生根緣不同是以現種種身說種種法法華
云長者驚人火宅爲度衆生生老病歿憂悲苦惱愚

撰述
卷之三
三

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

四卷第三

三

法

殺三毒之火教化令得三菩提云云登初地時得二

十五三昧凡十番破二十五有破二十五空破二十

五無明得無畏地不畏三惡四趣有邊不畏聲聞緣

覺空邊不畏大衆威德二邊中間皆不畏以修性念

處故云云得自在地若至地獄不受熾然碎身等苦

至一切處無一切苦能以須彌入芥子芥子含須彌

毛孔注滿四海海內一毛孔以修共念處力云云得

二十五三昧一切三昧悉入其中一切事一切理皆

無所畏皆自在皆名王三昧以本修緣念處故初地

既如此從二地乃至妙覺可以意知不俟更說當知

四念處有如此大功德方何況後諸法門耶有眼有

意者自當耽味何俟囑耶

四念處卷第三

校譌

第七紙十七行本淨下南藏有眼字

音釋

隘丁鄧切熅余六切熅熅胡對切劑才詣切

吳江居士吳瑞徵施贊刻此四念處第二卷薦生母王氏往生安養嘉興沙

萬曆辛卯孟秋清涼山妙德禪院識疏道梅對南昌艾九疇書溧水端繼慧刻

四念處卷第四

隋天台山修禪寺智者大師說

門人章安灌頂記

第四圓教四念處者為三一大意二停心三念處大

意開四門二云二云若說若行多用非有非無門二云二云餘

法易知別圓須解一明位有高下二明法之偏圓三

明斷不斷四明具不具五明通不通位高下者別教

十信伏界內見思十住斷界內見思又斷界外上品

塵沙十行斷中品塵沙十迴向斷下品塵沙伏無明

登初地見中道斷無明乃至等覺妙覺斷無明盡圓

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述
已名居者四
一
一
教初有五品弟子名外凡十信名內凡皆圓伏無明而界內見思自然而盡如火燒鐵鐵雖未融垢在前去正慧觀無明無明未除見思前盡若登初住斷一品無明乃至十住斷十品無明與別家十地齊若登初行又斷一品無明與別家等覺齊若至二行與別家妙覺齊若登三行所有智斷別人不識其名況知其法四行乃至十行十迴向十地等覺妙覺所有智斷皆非境界但知十二品斷無明爲已家之極果不知是他家之下因譬如構塼石爲基以金寶飾上豈如從甚至頂悉累金剛非唯高低有殊亦寶非寶別

法說譬說簡別朗然不須惑矣二法偏圓者類如小乘斷通惑不除別惑聞甄迦羅彈琴迦葉起舞天冠問曰耆年解脫何故如此迦葉答言登聞之惑我已斷盡此是菩薩勝妙功德故吾於此不能自安如四方風不動須彌毗嵐風至碎如腐草當知聲聞斷通不能知別無漏力弱不能自安別教初心止伏見思地前止斷界內見思登地分分伏無明分分斷無明此則偏斷非圓伏也若作界外別說者登地斷別見二地至六地斷別欲界思七地斷別色無色界思此亦偏斷之義耳又作不思議六塵義者人無量禪作

無記變化色住復入力禪捨復入力禪起復入力禪
 無量百千億劫倒修凡夫事至八地已上猶是無色
 界果報不可思議六塵何以得知地持解等覺無垢
 地始得離見見清淨禪當知離欲界色無色惑俱至
 等覺乃盡方是圓義若八地始離無色界果報者是
 偏斷之義也故大經云十地為無我輪惑所轉無我
 只是見惑若見惑先斷不應至無垢地若見至無垢
 地者乃圓義耳以是推之偏斷則是別意也圓斷惑
 者始外內凡即圓伏三界之惑初住即圓斷無明二
 住至等覺皆圓斷無明以此推之圓別斷則明矣三

斷不斷者別但明斷不論不斷圓具二義若教道明
 斷證道不斷例如小乘方便論斷證真不論斷不斷
 今亦如是若不思議觀內不見有煩惱可斷煩惱性
 不障菩提菩提不障煩惱煩惱即菩提菩提即煩惱
 故淨名云佛為增上慢人說斷姪怒癡名為解脫無
 增上慢者姪怒癡性即是解脫無行經云姪怒即是
 道又云六十二見為如來種即六根六塵而無限礙
 只眼中見色亦眼中入三解脫門華嚴明十眼乃至
 六根皆明於一塵中具十方三世諸佛八相成道轉
 法輪度眾生皆不斷而明了也四具不具者若只作

一法不作一切法者此是別意若一法一切法趣一切是趣不過趣尚不可得況有趣非趣趣一卽法性法性卽法界無一法出法界外若有一法過涅槃繫者我亦說如幻如化故知一法具一切法卽圓意也五諸功德通不通者若別意只一地不關餘地若圓意一地一切諸地故大品云若聞阿字門卽解一切義過茶無字可說初阿具足四十一字後茶亦具四十一字從初地具有住待生長荷負義至後究竟亦具三義大論云有始入中入終入實是一入而有初中後問若作圓意若爲判不思議二諦答偏圓俱通是

世諦相非通非塞是真諦相大意竟二五停心者私謂五品是也卽事而理其相自彰何者初教以數息事停散動圓家以信理除疑惑又信是道元故當初品又信是功德母如彼氣命又信順不動卽是停心故信品是一停心也初教以不淨事觀停貪欲圓家以讀誦除穢染若著文字染汙法性是爲染法非求法也文字性離卽是解脫解脫清淨是第二停心也初教以慈停瞋圓以慈故有說說無秘悋悋有秘恚則非慈相當知慈故能說第三品停心也初教以因緣觀停癡圓以六度度於六蔽闇去明生是第四品

01234567890123456789100123456789

停心也初教以念佛停逼迫圓以卽事而理理卽法
 佛法佛豈逼迫佛法無能逼所逼無逼無逼者無逼
 法是第五停心當知信事卽理文字卽解脫慈卽寬
 弘度救彼岸一切平等是圓家五停心也以五品爲
 停心其義已顯更重舉四弘四三昧生灰苦諦卽是
 涅槃無二無別此則信事順理道元功德母未度苦
 諦是初停心煩惱卽菩提無二無別是爲未解集諦
 令解集諦卽第二讀誦解脫停心也大悲拔苦兩誓
 願云云未安道諦令安道諦卽是以無恪之慈而說
 法第三停心也未入滅諦令入滅諦卽是兼行六度

度救彼岸第四停心也大慈與兩誓願云云又指四
 三昧爲第五停心也此四三昧皆修念佛破障道罪
 自有人數息覺觀不休若念佛若稱佛名卽破覺觀
 帖然心定故普門品云若有衆生多於貪欲常念觀
 音卽便得離破根本無明淨名云一念知一切法是
 爲坐道場皆是念佛法門也常行出般舟諸佛倚立
 現前觀法界佛也常坐出文殊問般若繫緣法界一
 念法界而念佛也半行半坐出方等法華如是作已
 却坐思惟諸佛實法法華云當成就四法一爲諸佛
 護念云云此語初心行人久行道者如安樂行常好

坐禪在於閑處修攝其心觀心無心法不住法我心
自空罪福無主作是懺悔各大懺悔云云非行非坐
通四法一通衆經二通諸善三通諸惡如賢者軍戎
家業等不妨用心四通無記行住坐卧語默皆是摩
訶行以不可得故夫達者懸解迷者未悟如囊中有
寶不探示人人無見者今更點對冀得超然前三藏
中以事緣事謂數息不淨乃至念相好等今則不爾
以理觀緣理生歿卽涅槃煩惱卽菩提生歿是衆生
之息命涅槃是法身之息命雖不可數而可散動明
寂對於數息也煩惱是底下之穢惡菩提是尊極之

淨理對前顯後故以文字解脫對不淨停心也大悲
誓願拔因果苦若有所尚不自出況拔他苦若無
我所以慈悲心自拔拔他對前顯後云云大慈誓願
與因果樂者若十二因緣癡尚無自樂況與他樂合
自無癡故能與樂耳對前云云行四三昧皆是念佛
破障道罪前教念生身應相好今念法身相好事理
永殊大異故舉四三昧爲第五停心也次修十觀成
五停者五停上求上求何等一信順不思議一實四
諦是也信一念具十法界生歿卽苦諦一心具十法
界煩惱卽集諦集諦卽菩提菩提是道諦也生歿苦

諦卽涅槃是滅諦也此四非四此一非一而名實諦
煩惱徧一切處一切處皆是菩提棄此菩提更何處
求菩提如此生灰苦諦徧一切處皆是涅槃棄此涅
槃更何處求涅槃畢定停心於此煩惱上求菩提畢
定停心於此生灰上求涅槃信卽是求非別求也是
名信一實諦成於停心也又云何停心停心欲下化
須發真正心衆生不知生灰卽涅槃未度苦諦菩薩
爲此而起大悲誓令得解脫既得脫已卽是令度苦
諦衆生未知煩惱卽菩提菩薩爲此而起大悲令得
解脫既得脫已卽是令度集諦衆生若解煩惱卽是

菩提卽是安於道諦衆生若解生灰卽是涅槃卽是
而得滅諦是爲菩薩下化衆生言真正者無行經云
若發心求菩提是人去佛遠譬如天與地蓋指發三
方便菩提心也此乃菩提心魔大經云自此之前我
等皆名邪見人也若人爲說此法名善知識魔經言
涅槃爲生灰者指貪著界外涅槃成變易生灰也經
言生灰卽涅槃者指分段生灰卽大涅槃況復變易
而非涅槃以真正菩提心真正化也將此下化以成
停心初名上求次名下化乘何等法向上向下所謂
善修止觀生灰卽涅槃涅槃名止也止心心性名爲

大定大涅槃深禪定窟故涅槃卽是止也觀煩惱卽
是菩提卽觀也實相之慧名一切種智一切種智名
爲般若法華曰定慧力莊嚴卽上求以此度衆生卽
是下化當知止觀是所乘之法專此止觀成於停心
旣能乘向上向下向上應得果向下應得度旣不果
不度者何物妨礙而今不獲當知破法不徧當研生
死卽涅槃橫破十法界鯁塞煩惱卽菩提豎破十法
界鯁塞菩提涅槃道卽通也不卽六法那忽卽六法
是故須破不離六法那忽離六法是故須破不卽不
離菩提道通以此破法成於停心云云旣破法徧應

與理會那猶不合當更細檢一切諸法中皆有安樂
性那忽併破一切諸法皆魔羅網那忽併取須明識
通塞若迷生死非涅槃十法界皆塞迷煩惱非菩提
十法界亦塞達生死卽涅槃十法界寂滅名之爲通
煩惱卽菩提十法界癡如虛空不可盡老死如虛空
不可盡窮無明無見始見終名之爲通如此善知識
不思議險道通塞之相以成停心云云旣識通塞云
何於坦道中修於道品若生死身不淨乃至心無常
此析法四枯道品涅槃卽生死指此意也若初修不
淨後修於淨乃至初修無常後修於常此卽四榮道

品生灰成涅槃此之謂也若卽不淨卽修非淨非不淨乃至卽無常修非常非無常此是非枯非榮於其中間入般涅槃此之謂也故經言從初發心常觀涅槃行道具百句解脫名百斤金煩惱卽菩提名首楞嚴三昧修治於心猶如虛空亦名王三昧是名善修道品以成停心也旣善修道品自能流入三解脫門未入而難起方救他而難起皆何對治若慳蔽難起觀慳卽菩提受不受亦受亦不受乃至五不受檀卽法界檀義攝於六資生無畏法是中一二三慳卽菩提不取不捨餘蔽亦如是又對治轉治不轉兼非等

云云云
是名助道成於停心

云云云

行人未得謂得示證

謂證增上慢起當如之何觀生灰卽涅槃煩惱卽菩提理涅槃也能如此解與修多羅合文字涅槃也所觀如文文如觀觀行涅槃也六根清淨相似涅槃也無明破佛性理顯分真涅槃也等諸佛同大覺究竟涅槃也當自觀察是何等位撫臆論心莫自欺欺他是名識次位助成停心也行人行道欲熟未熟多動內外障難每須安忍令內外障不能動搖能忍成道事不動亦不退是心薩埵外謂毀譽八風內謂強軟兩賊生灰不能羅煩惱不能染十法界見愛皆爲侍

者分段變易二灰寂然以安侍者侍者以供給役運
是名安忍以成停心也順道法愛不生者夫將登而
崩將過而墮此非小事大有所失行者慎之莫起法
愛故云涅槃卽生灰涅槃貪著故生灰卽涅槃無退
不生故於十法界法一無所染名順愛不生而生般
若般若者如人有眼能避險從平何須傍救是名十
觀成五停心一一停心皆須十觀總有五十觀二云二
初品觀十法界衆生卽是佛十法界五陰卽是法衆
生與佛無二無別衆生陰佛陰無毫芥之殊三世佛
事衆生四儀無不具足諸波羅蜜是名爲僧大論云

衆生無上佛是法無上涅槃是又至名僧者第一義
是信順隨喜而無疑惑是名初隨喜品將此心讀誦
名第二品能少分說名第三品兼行六度名第四品
具足六度造立僧坊四事如理乃至般若名第五品
五品成熟名觀行位一品旣須十觀四品亦如是十
觀成五品如上說以想慧純熟轉爲十信心初隨喜
一實之理無二無別轉成信心信慧分別罔罔無滯
於此信中具一切佛法如金剛寶藏無所缺減故二
真正發心度下崇上轉成念慧真正故經云百生千
生千萬億生令心正念以正念故如來善護念又如

七覺中心沉以念起之破生歿卽涅槃若心散時以
念觀攝之令煩惱卽菩提是爲真正發念也三善修
止觀轉成精進心者經言一心勤精進故得三菩提
一切衆行精進爲本正觀明白純無間雜爲精不染
愛見爲進法云四破法徧轉成定心涅槃卽生歿菩
提卽煩惱是大散亂今觀十界生歿卽涅槃達一切
法解脫相究竟常寂滅相終歸於空體常寂滅是名
橫破生歿轉成定心起染愛煩惱煩惱卽菩提是豎
破十法界無礙徹至法性轉成定心也五善知通塞
轉成慧心若起十界愚癡名爲生歿若起十界貪瞋

名爲煩惱觀生歿卽涅槃煩惱卽菩提菩提非一非
三是名慧心也六善修三十七品轉成不退心若四
枯道品雖不退入分段而不進變易猶名爲退今四
枯道品又非榮非枯道品出到不生不生彼岸故名
不退心也七修對治助道轉成迴向心迴生歿向涅
槃迴煩惱向菩提迴因向果迴事入理故言迴向心
也八善識次位轉成護心若叨上濫下起增上慢卽
是菩薩旃陀羅今不執生歿作涅槃不執煩惱作菩
提又三業於涅槃無染於菩提無著是名護心也九
安忍內外強軟轉成戒心菩薩戒具防形心若起二

乘心是破戒知諸法不生無心無念不倚不著名不
破戒大集云寧捨身命不求小乘名持戒心也十順
道法愛不生轉成願心者菩薩發願求大涅槃不取
不證大品云願求菩提不以小爲足足卽住以不足
故涅槃不應住用此十心成一住十住有百名百
法明門十行十向十地展轉增倍千法明門萬法明
門千萬百萬不可說不可說明門故瓔珞云十信爲
諸道大勝者受名各住行向地耳若復前推十信是
內凡相似之位名柔順忍亦名伏忍界內煩惱圓融
無明圓伏得六根清淨云何淨眼中取相淨塵沙無

明淨乃至意根亦三種淨故不障三身三德三身三
德皆與真相似相似故名六根清淨廣說如法華云
何六根互清淨大品云眼中眼不可得眼中耳不可
得乃至眼中鼻舌身意皆不可得是爲六根互清淨
又眼中眼相不可得眼中耳相不可得乃至鼻舌身
意相皆不可得是爲六根相互清淨眼中眼性不可
得眼中耳性不可得乃至鼻舌身意性皆不可得是
爲六根性互清淨若名不可得是俗清淨相不可得
是真清淨性不可得是中清淨又名相性皆不可得
是俗清淨不可得亦不可得是真清淨非俗非真不

可得是中清淨但以眼爲本互淨諸根耳鼻舌身意
各各爲本各各互淨諸根互淨如上說云何六根互
用於眼根中能見無量百千萬億不可說不可說不
可思議不可思議虛空等世界中十法界衆生色若
依若正若內若外若上若下悉見悉知是爲眼根用
卽於眼中聞無量百千萬億不可說不可說不可思
議不可思議虛空等世界中十法界衆生若依若正
兩種音聲地獄燒煮聲大論云考掠聲象馬車牛楚
毒聲餓鬼求食聲修羅鬪諍高大聲無數種人聲苦
受等三受聲乃至有頂入禪出禪聲大論云所愛時

聲比丘比丘尼讀誦音聲空無我聲菩薩解義聲諸
佛演法聲其耳明利故悉能分別知是爲眼能耳用
又於眼中知無量百千億不可說不可說不可說十法
界香若依若正鐵圍大海地中諸衆生修羅男女大
勢小輪羣臣諸宮人乃至於梵世光音及有頂比丘
衆菩薩衆在在方世尊聞香悉能知是爲眼有鼻用
卽於眼中知無量百千萬億不可說不可說不可說世
界中衆味法門於食等於法亦等如純陀八斛四斗
爲涅槃佛事若好不好若美不美至其舌根變成上
味如天甘露無不美者又知十法界衆生堪能法味

於大衆中出微妙聲能入其心皆令歡喜又令天龍人神聞其所說言論次第皆樂來聽受又諸菩薩諸佛常樂向其處說法聞皆受持又能出微妙之音是爲眼有舌用卽於眼中知十法界衆生百千萬億不可說不可思慮空等觸身如淨明鏡衆生皆喜見其身淨故三千内外依正山河海皆於身中現地獄已上有頂已還所有正報生時死時若好若醜悉於身中現二乘菩薩悉於身中現唯獨自明了餘人所不見十方三世佛從初發心中間行行乃至成道轉法輪入涅槃悉於身中現佛境界旣爾況復餘耶是

爲眼中有身用又於眼中能知百千萬億不可說不可思慮空等十法界所念若干種一時能悉知是爲眼中有有用其聞聲知香味觸法亦有互用皆如上說當知六識所有無明所有智慧並是緣因緣因種緣因性七識所有無明所有智慧並是了因了因種了因性八識所有無明所有智慧並是正因正因種正因性如是三種種三相三性未發名爲六根清淨三種若發卽真正開佛知見若小乘法門析滅諸根入空取證今大乘報身卽是法界不須更滅能於諸根作此互用一根具六六六三十六法門正受清淨

能此互用故淨名云或有佛土光明爲佛事或佛土音聲爲佛事或以香味衣服爲佛事或無言寂滅爲佛事皆此意也此有似有真如法華所明卽相似如堊巖所說卽是真故明闇不相除顯出佛菩提只言斷而言卽解脫只言不斷復云結習盡者華不著身非斷非不斷中論斷斷中論不斷此乃不思議圓融方便宜斷卽斷如此土大士度剛強衆生宜不斷卽不斷如香積土聞香卽入律行也仁王云十善菩薩發大心長別三界苦輪海十善卽十信也三界苦卽界內惑圓融也大經云學大乘者雖有肉眼名爲佛

眼法華云雖未得無漏而其眼根清淨若此此皆明相似位之文也若觀如來藏心地法門卽是觀如來眼耳鼻舌身豁然真發得見佛性或因聞發三智現前三身具足華嚴云初發心時便成正覺所有慧身不由他悟得如來一身無量身湛然應一切衆生機感卽能垂應作八相成道百世界作佛或現二乘身利益衆生乃至作地獄身利益衆生諸佛加之能爲大菩薩說法此卽發真之文也三明四念處觀者先約經示大經云其後不久王復得病醫占王病定應服乳王者八倒衆生也其後病者初倒伏後倒起故

言不久也定服乳者應授四榮之術也正是今之念
處意耳又譬有人以毒塗鼓衆中打之近者死遠者
未死後打毒鼓近遠俱死初塗四枯止枯分段故言
未死今塗四榮無明根斷故近遠俱死亦是今四念
處意也又云如鳥出籠纔得離網今二鳥俱飛高翔
遠遊去住自在正是今四念處也又云初枯生死不
能照明佛法不能開悟衆生於佛法無工夫於衆生
無利益故言枯雙樹今圓顯佛法大益衆生夫有心
者皆當作佛八千聲聞得見佛性如秋收冬藏成大
果實故言四榮莊嚴雙樹大經不令噉酒糟麥麩不

與特牛同共一羣不在高原亦不下濕下濕者凡邪
四倒也高原者偏曲四倒也酒糟是愚癡麥麩是瞋
恚特牛是貪欲選擇中原安處其子法華云正直捨
方便但說無上道不令二乘獨得滅度皆以如來滅
度而滅度之開示悟入佛之知見解王頂上明珠與
之我本立大願普令一切衆亦同得此道無智者錯
亂迷惑不信受是故於今日決定說大乘又云諸佛
法久後要當說真實真實者非生滅非涅槃無邪無
偏無倒無正咄哉丈夫示昔繫珠咄哉去來寶處在
近是故從本垂迹與法身眷屬隱實揚權藏高設下

01
2
3
4
5
6
7
8
9
00
1
2
3
4
5
6
7
8
9
100
1
2
3
4
5
6
7
8
9

共化衆生開示正道內祕外現令開顯令得人妙正是此四念處也所言四者不可思議數一卽無量無量卽一一皆是法界三諦具足攝一切法出法界外更無有法法界無法界具足法界雖無法具足諸法是不思議數也華嚴云一微塵中具一切塵及一切法於一念具一切念及一切法塵卽是色念卽是心色心卽念處異名耳大品云四念處卽摩訶衍摩訶衍卽四念處者於一念處與三念處無二無別一切法趣四念處是趣不過念處尚不可得云何當有趣不趣此亦不思議意同也普賢觀云觀心無心法

不住法名大懺悔名莊嚴懺悔觀心既然觀色亦爾大經云佛性者亦一非一非一亦一者一切衆生悉一乘故非一者說三乘故非一非非一者數非數不決定故當知四數不可決定卽不思議之四也法華經中八千聲聞得見佛性大經云爲諸聲聞開發慧眼天親以七種佛性釋法華當知二經佛性理同同圓同妙同大更不異也而法華以一乘爲宗約智明法相涅槃以常爲宗約定明法相智定左右之異耳法華指前經亦云以方便力故爲五比丘說當文云正直捨方便但說無上道涅槃開前經云爲

贖命故說大涅槃明歷別五行十功德當文云復有一行是如來行所謂大乘大般涅槃故知二經是同一行取究竟實說處卽是圓極不可思議四念處也釋數竟念者觀慧也大論云念想智者一法異名初録心名念次習行爲想後成辦名智處者境也元從不離薩婆若能觀之智照而常寂名之爲念所觀之境寂而常照名之爲處境寂智亦寂智照境亦照一相無相無相一相卽是實相實相卽一實諦亦名虛空佛性亦名大般涅槃如是境智無二無異如如之境卽如如之智智卽是境說智及智處皆名爲般若亦

例云說處及處智皆名爲所諦是非境之境而言爲境非智之智而名爲智亦名心寂三昧亦名色寂三昧亦是明心三昧亦是明色三昧請觀音云身出大智光如燒紫金山大經云光明者卽是智慧金光明云不可思議智境不可思議智照此諸經皆明念只是處處只是念色心不二不二而二爲化衆生假名說二耳此之觀慧只觀衆生一念無明心此心卽是法性爲因緣所生卽空卽假卽中一心三心三心一心此觀亦名一切種智此境亦名一圓諦一諦三諦三諦一諦諸佛爲此一大事因緣出現於世欲令衆

生佛之知見開諸佛出世事足大經云王夷坦道無
量義經云行大直道無畱難故法華名具足道雖言
三智其實一心爲向人說令易解故而說爲三若教
道爲言所斷煩惱如翻大地河海俱覆似崩大樹根
枝悉倒用此智斷惑亦復如是通別塵沙無明一時
清淨無量功德諸波羅蜜萬行法門具足無減佛法
祕藏悉現在前大品云諸法雖空一心具萬行大經
云發心畢竟二不別法華云本末究竟等故名妙覺
平等道當知此慧卽法界心靈之源三世諸佛無上
法母以法常故諸佛亦常樂我淨等亦復如是亦名

寶所亦名祕藏佛及一切之所同歸前三藏隘路不
得竝行通教共稟共行共入入不能深別教紆迴歷
別遙遠卽不能達今此念處曠若虛空際於無際猶
如直繩直入四海故名圓教四念處耳張衡曰翔鷗
仰而不逮況青鳥與黃雀當前三念處所不能及唯
圓念處孤飛獨運凌摩絳霄無上無等等豎無
高蓋故言無上橫無儔列故言無等等無等等於十方
三世諸佛言無等等也欲重說此義更引天親唯識
論唯是一識復有分別識無分別識分別識者是識
識無分別者似塵識一切法界所有餅衣車乘等皆

是無分別識成三無性無性名非安立諦如彼具說
龍樹云四念處卽摩訶衍摩訶衍卽四念處一切法
趣身念處卽是一性色得有分別色無分別色分別
色如言光明卽是智慧也無分別色卽是法界四大
所成皆是無分別等是色心不二彼既得作兩識之
名此亦作兩色之說若色心相對離色無心離心無
色若不得作此分別色無分別色云何得作分別識
無分別識耶若圓說者亦得唯色唯聲唯香味唯
觸唯識若合論一一法皆具足法界諸法等故般若
等內照旣等外化亦等卽是四隨逐物情有難易大

論曰一切法併空何須更用十論答空有二種一難
解空二易解空十論是易解空今以易解空論難解
空唯識意亦如是但約唯識具一切法門而衆生有
兩種一多著外色少著內識二多著內識少著外色
如三界多著內識下二界著外色多內識少如學問
人多向外解若約識爲唯識論者破外向內今觀明
白十法界法皆是一識識空十法界空識假十法界
假識中十法界亦中尊以內心破一切法若外觀十
法界卽見內心當知若色若識皆是唯識若色若識
皆是唯色今雖說色心兩名其實只一念無明法性

十法界卽是不可思議一心具一切因緣所生法一句名爲一念無明法性心若廣說四句成一偈卽因緣所生心卽空卽假卽中故般若云受持一四句偈與十方虛空等法華云聞一偈亦與菩提記一句亦然三世亦如是今觀此只一心不可思議十界恒現前入心地法門故能不起寂滅現身八會只是一句一句有無量無量中只一句是爲不思議故如心諸佛然如佛衆生然是三無差別諸佛解脫當於一切衆生心中求衆生心亦當於諸佛解脫中求始是般若究竟等未了者一切法正一切法邪不以心分別

卽一切正心起想卽癡無想卽泥洹此不思議非青黃赤白方圓長短無名無相究竟寂滅唯當心知口不能說若有因緣善方便用悉檀亦可得說以方便力爲比丘說衆生無量劫自性心不爲煩惱所染不染而染難可了知迷妄卽染染卽覆心不見淨性是以前處生處不能返本還源源實難解二乘尚不聞其名何況凡夫今佛爲作習因如大通智所繫珠至釋迦時方成果實今此種子漸漸積習後遇聲光發此種子轉凡入聖漸漸積功德具足大悲心皆已成佛道若不爾者無明覆法性出十法界五陰重迷積

撰述
四六
三二
法一
杳若能超悟起二乘五陰乃至佛陰華嚴云心如工
畫師造種種五陰一切世間中無不由心造諸陰只
心作耳觀無明心畢竟無所有而能出十界諸陰此
卽不思議如法華云一念夢行因得果在一念眠中
無明心與法性合起無量煩惱尋此煩惱卽得法性
問別圓俱作此譬云何異答別則隔歷圓則一念具
如芥子含須彌山故名不思議華嚴性起云一微塵
中有大千經卷智人開塵出經是一念無明心有煩
惱法有智慧法煩惱是惡塵善塵無記塵開出法身
般若解脫法華云如是性相等一界十界百千法界

究竟皆等今觀此無明心從何而生爲從無明爲從
法性爲共爲離若自若他四皆叵得名空解脫門只
觀心性爲有爲無爲共爲離若常若斷四倒不可得
名無相解脫門只此心性爲真爲緣爲共爲離非四
句所作名無作解脫門無生而說生生十法界相性
也無明性卽是實性亦言無明卽是明明亦不可得
是爲入不二法門但衆生迷倒不見心之無心明成
無明云云問衆生自性清淨不爲煩惱所染云何有
無明生答如前責生相不可得而作十四難佛皆不
答設答只長邪見大品中間有亦不得道無亦不得

道乃至四句俱不得道將非世尊不得道耶佛答實
得非四句耳金剛般若云須菩提於是中無實無虛
大論摩乾提云瘧法應得道佛答汝若證我法時
自當瘧佛有時知利益亦答十四難如答淨梵志畢
故不造新答我已知汝云何知無明名故取有名新
若知無明不起取有卽知神及世間常無常衆生只
爲愛見迷於自性隨逐諸妄緣輪不息去道其遠五
百由旬普賢觀云爲恩愛奴色使我眼法華云貪著
生愛則爲所燒諸苦所因貪欲爲本不斷煩惱而入
涅槃無明煩惱是如來種若斷煩惱卽斷佛種故言

不動而運大慈普覆十界衆生衆生無量慈悲亦無
量非一廣大不可盡誓願非一廣大不可盡是名緣
念處三種一心具足觀此身受心法智慧慧性名性念
處一性念處一切性念處觀身受心法定慧均和能
助大道名共念處一共念處一切共念處觀身受心
法所有慈悲名緣念處一緣念處一切緣念處觀此
一念無明心卽是衆生衆生卽法性法性卽摩訶衍
摩訶衍卽十法界性念處利益十法界衆生同於四
念處坐道場轉不思議種種法轉一切種智以爲根
本無量功德之所莊嚴皆令衆生安置十地十種珍

寶以爲脚足枯榮智慧以爲雙樹若見佛性非榮非
枯爲中間而般涅槃雙照二諦總結四念處雖別說
示人文言難見只一刹那心卽是因緣所生法因緣
心生滅卽是三藏三十七品因緣心空是通三十七
品因緣心假是別三十七品因緣心中非空非假卽
是圓三十七品只是一念心若橫無際若豎無窮盡
三諦源然此一念不橫不豎若心卽空卽假卽中是
橫觀此心先見空次見假後見中卽是縱今諦觀心
中三句實不縱不橫不前不後畢竟清淨廣大法界
究竟處空觀心實性無有微塵知覺卽是法名不覺

煩惱是道場斷煩惱不名涅槃不生煩惱乃名涅槃
煩惱卽菩提生死卽涅槃意在修三種念處觀十界
色名身十界受名受十界識名心十界想行名法
法性色一色一切色一切色一色一受一切受一切受
一受一心一切心一切心一心一想行法一切法一
切法一法將智慧性觀十法界色性名爲觀了達色
中非垢非淨名爲處智慧性觀十界受性名觀了達
受中非苦非樂性名爲處智慧性觀十界心性名爲
觀了達心性非常非無常性名爲處智慧性觀十法
界法性名爲觀了達法性非我非無我名爲處能所

合標名性念處觀也次釋共念處觀觀十法界色非
垢非淨雙照二諦垢之與淨其性無二無二之性卽
是實性次觀十界受非苦非樂雙照二諦苦之與樂
其性無二無二之性卽是實性次觀十界心非常非
無常雙照二諦常與無常其性無二無二之性卽是
實性次觀十界非常非無常雙照二諦常與無常其
性無二無二之性卽是實性次觀十法界非我非無
我雙照二諦我與無我其性無二無二之性卽是實
性是名其念處觀次釋緣念處菩薩觀此身受心法
無緣慈悲無緣無念如磁石吸鐵寂而常照雖無念

不覺而覺名爲佛具足恒沙法藏虛空法門十方不
可說不可說一微塵中法界佛法僧究竟盡實相而無
積聚譬如貧人多所積聚乃名藏解脫不爾無所積
聚無所積聚卽真解脫解脫卽是如來無所積聚乃
名虛空能觀此藏是大千經卷聞此大藏是開佛知
見知見故五眼具足五眼具足卽成菩提菩提卽摩
訶般若卽得法身法身卽真解脫三點不縱不橫名
大涅槃涅槃名諸佛法界作是觀心是人如來室著
如來衣坐如來座舉足下足從道場來住於佛法矣
如來遺囑令於念處修道要在茲乎問前五停心六

1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

撰述

石印

根互用今念處證何功德答前說似解相貌如上今
修念處進發十住真位前觀海邊平相曠蕩若斯况
大海深廣渺渺浩浩可以智知無俟更說

四念處卷第四

校譌 第九紙十九行毫 第十七紙十四行智若之


第二十三紙

北藏作豪 觀十界心等三十字

音釋 鯁古杏切 罔居永切 掠力仗切 梵與 磁與

音慈引 鐵石

吳江居士吳士龍施贊刻此
西念處第四卷薦父母往生安養 嘉興沙彌道
梅對 南昌艾九疇書 溧水毛有倫刻
萬曆辛卯孟秋清涼山妙德禪院謹



聖
六
上
木

正
八
卷
之
四

六十五

